

# *MOLIMO OA*

## *MONGOAHA O MOBE ONA*

 [Moena Orman Neville o re, “Tlaleho ke ena, ka mora kopano ea tabernakele ea lekhotla la batikone le literaseti la Labohlano bosiu, re bala melaoana ena e tla ama monna ofe le ofe, le mosali ofe le ofe, e leng molateli ea chaeletsoeng oa tšebetso ena, ea ratang ho tseba mohopolo oa lekhotla, oa molisa le letsoho la molisa. Ke bala melaoana ena hoseng hona. Mang le mang a e mamele ka kutlo e feletseng ’me a e ele hloko kamoo a khonang.” Moena Neville o bala melaoana e latelang:

“Melaoana ena e raliloe ’me e phatlalatsoa ke lekhotla la literaseti, le la batikone ka tumellano e tletseng ea molisa le ea motlatsti oa molisa.

“Liteipi tsohle tsa lithero tsa Mor. William Branham li tla etsoa feela ke Fred Sothmann, hofihlela lekhotla le tsebisa hape. Nakong ea joale ha re hlomphe tšebetso efe e sa laoloang ea liteipi. Liteipi tsena li tlasa laksense, ’me li ke ke tsa boela tsa hlahisoa bocha ke mang le mang ntle le Fred Sothmann ka tumello ea hae e ngotsoeng.

“Bobeling. Ha ho motho ea tšoereng likopano, ea rekisang libuka kapa liteipi, kapa ea ngolang maselinyana, ea abang masela a thapelo kapa litlankana tsa mofuta ofe, kapa ea qelang limpho tsa mofuta ofe, bao ha ba hlomphuoe ke kereke ena kapa molisa oa eona. Taba ena ba e etsa tlasa boetsisi ba thetso, ’me ha ba fuoa matla a ho etsa joalo.

“Borarong. Kereke ena ha e rome bareri bafe ntle le molisa oa eona, Mor. William Branham, ho hlophisa litšebeletso nqa efe.

“Mabaka a melaoana ena ke a latelang:

“Re tsebisitsoe ho thoe bareri ba parola naha ba etela lilekane tse ling, ba itlaleha ba amana, ’me ba ronnge ke kereke ena ho tšoara likopano tsena.

“Re boetse re tsebisitsoe ha thoe batho ba tlanya litlankana le maselinyana, ba romela masela a thapelo le lintho tse joalo, eka hoja ba laetsoe ke kereke ena le ke molisa oa eona, kanthe ha ho joalo. Kereke ena e ka thabela ho le utloa le tlaleha motho ea ka fumanoang a etsa sena.

“Melaoana ena e baliloe ’me e chaeletsoe ke Mor. William Branham, motlatsti oa molisa Mor. Orman Neville, le lekhotla la literaseti le la batikone.”—Mong.]

[Moena Neville a ntano re. "Morena a le hlohonolofatse." Tšebeletsong ea mantsiboea, 65-0801E, Moena Branham o tlaleha kamoo lekhotla la kereke le finyeletseng liqeto tsena. Sekheo lebanteng—Mong.]

Tsohle li lokile, lumela feela;  
 Lumela feela, lumela feela,  
 Tsohle li lokile, lumela . . .

A re inamiseng lihlooho tsa rōna.

Ntate oa leholimo ea ratehang, re motlotlo hoseng hona ha re khona ho lumela. Khonahalo eo e tlie ka Mali a tšolotsoeng a Mora oa Hao, Jesu, re tle re behoe banka-kabelo ba mohau oa Hae; le ho fetoha bara le barali ba Molimo, ka kutlo ea Hae lefung sefapanong, ho behoa ba lokileng ka ho lumela ho Eèna le tsohong ea Hae, 'me joale Moea o Halalelang o tšetsoe lipelōng tsa rōna.

<sup>2</sup> Re motlotlo ka monyetla ona oa ho tla koano hoseng hona ho arola mehopolo ea rōna le likananèlo tsa rōna, ho hhalosa ka lifela, bopaki, ho bala Lipesalema, ho bala Lentsoe la Hao, le ho emela Moea o Halalelang ka botšephei ho re tlisetsa Molaetsa o khethetsoeng hora ena. Aba sena, Morena. Re ke re atlehisoe ho tla koano hoseng hona. 'Me ha re tloha moahong, re bué joaloka ka ba tsoang Emmause, "Na lipelō tsa rōna li ne li sa chese ka hare ho rōna ha A ntse a buisana le rōna hoseng hona?" Aba lintho tsena, Molimo Rabosafeleng, ka Lebitso la Jesu Kreste. Amen.

Le ka lula fatše.

<sup>3</sup> Lumelang hoseng hona, metsoalle, mona, kantle koano tabernakeleng le ho metsoalle ea rōna kantle ho phatlalla le sechaba, ho tloha Lebopong la Bophirima, hape hoseng hona, ho ea Lebopong la Bochabela, le leboea le boroa, le likhokanong tsa mehala.

<sup>4</sup> Ke letsatsi le letle mona Indiana, maru, a batla a lithibile, ho pholile, ho hotle haholo. Tabernakele e tletse, kantle lijareteng le pel'a mabota. Re tlasa litebello tse khôlô ho eteleoa ke Morena kajeno. 'Me re tšepa Molimo o tla le nea letsatsi le letle hohle moo le leng teng. 'Me ke letsatsi le letle, hobane le hlahisitsoe ke Morena. Ho sa tsoteleho boso ba leholimo, ke letsatsi le letle. Re thabetse ho ba koano, ke thabo le joale ho fuoa monyetla oa hhalosetsa lefatše tumelo ea rōna ho Jesu Kreste. 'Me re batla ho nka monyetla ka mong oo re o khonang ho hhalosa lerato la Hae le seo A re etselitseng sona. Kajeno rea . . .

<sup>5</sup> Ke neiloe, nakoana e fetileng, e—ho entsoe tsebiso, hape mona ke batla ho bua lintho tse 'maloa. 'Me e 'ngoe ea tsona, ke tsebisitsoe mabapi le kopano ea lekhotla bosiu bo bong. 'Me motikone e mong ho tsoa kerekeng o falletse o ile Arizona, eèna ke Moena Collins, moena oa rōna ea khabane. 'Me e re a sa

tsamaile, bao, lekhotla, le khethile Moena Charlie Cox ho tlatsa sebaka sa hae a sa le sieo. 'Me Moena Charlie Cox o khethiloe semolao ke teraseti... kapa ke lekhotla la batikone la kereke ena, ho tlatsa phaposi ea Moena Collins, bosieong ba hae.

<sup>6</sup> 'Me ke sa batla ho bua taba, hape, ke batla ho leboha lona batho bohle, kaha ba bang ba tla ea lapeng pele ho tšebeletso ea pholiso bosiung bona, ka lineo tsa lona tse ntle tse nyenyane, le linthoana. Esale re fihlile mona re tliselitsoe lijo tse ngata. 'Me ho tsoa ho mofumahali oa ka le 'na, le lelapa, re hlide re ananela hoo. Ka linako tse ling ke lebala ho bua letho ka eona. Mabaka a mangata, u a tseba. Kelello ea ka e bilikana ka linako tsohle. Le ka nahana hore ho joang, ka batho, ba sa tsoeng mona feela kerekeng, empa lefatše ka bophara. Ua bona? 'Me hoo ho u tsekela ka linako tsohle.

<sup>7</sup> Motho o buile ka hlohonolofatso ea masea, le ka litšebeletso tsa kolobetso, le lintho tse joalo. Hoo ke botle. Ekare nka khona ho e etsa, empa e tšopholi haholo, ke—ke batla ke sa fumane le nako. Ke tlameha ho tsepamisa mohopoloo oa ka mona, Molaetsa ona. U a tseba Bibebe e boleletse baapostola, kapa... Baapostola, ke rialo, kahara Bibebe, ho itsoe, "Tlohang, le ipatlele, hara lona, banna ba bopaki bo botle, ba tšepehang ba tletseng Moea o Halalelang, ba sebetsane le litaba tseo." 'Me ke boleletse Billy....

O itse, "Na u tla hlohonolofatsa lesea nakong ena, ntate?"

Ka re, "Oh, khili!" Ua bona? Haeba... Re emetse ho hlohonolofatsa ba bangata ba bona, 'me ke hantle, ke tla tlameha ho khutla ho tla khetha letsatsi le ikhethang la ho hlohonolofatsa masea. Nka rata ho etsa joalo, hona joale.

<sup>8</sup> Empa re batla ho leboha e mong le e mong oa lona ho tsoa lipelōng tsa rōna; mohatsa ka, le 'na, le lelapa la rōna. Batho ba re tliselitse lijo tsa makotikoti, linaoa tse ncha tsa botoro, mahapu, likantaloupu, oh, menokotšoai. Ntho efe eo le ka e nahanaang, ba e tlisa.

<sup>9</sup> Moena ea khabane le khaitseli ea hae, letsatsi le leng, ba re tliselitse kalakunu ea tonana. Ke sa ntse ke e ja. Le feela... Oh, ke tlameha ho e fiela pele ke tsamaee, kea kholoa. Ha ke sa khone, o tla e nka re tsamaee le eona. 'Me ka hona—ka hona re tla... Ruri re ananela lintho tsena. Ke tseba batho ba bangata; ba bang ha ke ba tsebe. Ha re fihla re li fumana li shatamane mathuleng. 'Me ruri ke ananela hoo.

'Me ke tseba ba bangata. Ke na le... Ke bone ba bangata, 'me ba bangata ha ke nke ke ba bona. Ke—kea kholoa mang le mang o utloisia hore ke—nka rata ho finyella mang le mang ha nka khona, empa ke mong feela. Ua bona? Ho... Nka sitoa ho fihla ho mang le mang. Ke etsa sohle kamoo ke tsebang ho se etsa.

<sup>10</sup> Ka baka leo, Molimo a be le lona. Ke ttile hore e Mong o tla ba le lona; ke Jesu Kreste, 'me A ka khona. Ke Motho a le mong feela e leng motlalahohle. 'Me hape O matlaohle, A ka baballa tlhoko ka 'ngoe. 'Me, ke motsebatsohle, o tseba lihloko tsa lona, seo le se hlokang.

<sup>11</sup> Ke laela mang le mang eo ke sa tl'o khona... Ke fetile ka potlako feela, esale ke fihlile mona hoseng hona, 'me ke tla fihla ho mang le mang eo nka mo khonang. 'Me haeba... Ha nka fosa letho, Molimo o matlaohle o tla—o tla baballa lihloko tsa lona ho latela menōnō ea Hae e leng koana Khanyeng.

<sup>12</sup> [Moena Branham o a thola, a ntano bua le Moena Neville—Mong.] Ha ke khone ho bala hantle. Na u ka e bala?

Ke tsebiso e ikhethileng ea mofuta. 'Me ke kholoa e ngotsoe ke Billy Paul. O itšoanelia le 'na; ha ke khone le ho bala mongolo oa ka. 'Me ke iqapetse mongolo oa ka o mokhutšoane. 'Me ha le ka bona lihlooho tse ling tsa ka mona, tse ngotsoeng mona, le re le ka utloisia? [Moena Branham o bontša phutheho sehlooho sa hae se ngotsoeng, 'me o tšehe le bona—Mong.] Ke takile naleli, ho tšela borogo, le lintho tse joalo, feela tsohle...

[Moena Neville o bala tsebiso—Mong.]

Moena Adair, Adair oa Arkansas, a ke a bone Mor. Pearry Green ka mora kereke hang. Ho lokile.

<sup>13</sup> Joale, ntho e 'ngoe eo ke batlang—ke batlang ho e tsebisa mona ke—ke ntho eo, bosiung bona joale ke litšebeletso tsa pholiso. Re tlil'o rapella bakuli bosiung bona, 'me ka hona ke—ke tšepa le tla fihla mona.

<sup>14</sup> 'Me re lumelisa batho bohole naha bophara, ka Lebitso la Morena Jesu, hore Molimo a le hlohonolofatse hoseng hona. Bang ba lona ba se ba atametse mpa ea motšequare. Holimo New York, e batla e le hara mpa ea letšequare. Kantle Arizona, Lebopo la Bophirima, e batla e le hora ea bosupa. Ka baka leo ho na le... 'Me mona re lipakeng hantle. Ka hona Molimo a le hlohonolofatse le sa mametse. Joale ena e ka ba...

Ke hopotse pelōng ea ka, ke sa le mona...

<sup>15</sup> Ha kea lumelloa ho fumana diodotoriamo, qetellong ba ile ba re lumella; re ka tšoara tšebeletso e le 'ngoe, empa ha rea tlameha ho rapella bakuli ba letho. Ha ke—ke... Eo ke tšebeletso ea ka. Ke tlameha ho etsa seo Moea o Halalelang a mpolellang sona. Eaba ke—kea e hana, hobane ke batla ho lokoloha ho etsa seo Moea o Halalelang o se laelang. Ua bona? Ka hona ka nahana ho eketsa letsatsi le le leng feela, le hona, tabernakeleng. 'Me hoseng hona ho pholile. Morena o re neile letsatsi le letle mona, re leboha haholo.

<sup>16</sup> Joale, ka ho etsa sena, ke ttile koano morero e le ho ruta Linkho tsa ho qetela, Linkho tse Supileng tsa ho qetela, le Literompeta tse Supileng tsa ho qetela, le Lialuma tse Supileng

tsa ho qetela, tsa Buka ea Tšenolo, ho li tlama 'moho horeng ena eo re phelang ho eona; ho latèla pulo ea Litiiso tse Supileng, Mengoaha e Supileng ea Kereke. Ka baka leo, ha rea fumana phaposi ea ho etsa hoo. Ka hona ke—ke tšepa hore, hang ha ke khona, re tla...re ka fumana sebaka se lekaneng sa hoo, e ka bang mona kapa Louisville, New Albany, kapa re hlome tente, re tle re lule halelele kamoo Morena a re etellang kateng.

<sup>17</sup> Empa tabeng ena joale, ke nkile monyetla ona ho hhalosetsa batho bolumeli ba ka le tumelo ho Molimo, le ho le fihlilsa horeng eo re phelang ho eona. 'Me ka sena, ha sea lebisoa ho motho ea itseng, litumeloana, e ka bang eng; ke kamoo ke bonang Lentsoe la Molimo. 'Me Sontaha se fetileng Moea o tšolohetse hamonate holima Lentsoe. Keha o le molelele haholo, ke ne ke sa batle ho lula halelele hakaalo; empa ha re tsebe mohla re tla kopana la ho qetela. 'Me re tšoanelia, haholo...re batla joalo. Ke batla joalo, ke rialo, joaloka Pauluse oa khale, "Ha kea ka ka tsoafa ho le bolella Tšoanelo eohle ea Molimo." Jesu o ipoletse A sa ka a patela barutuo ba Hae letho.

'Me joaloka 'na, ke leka ka thata ho lula tlassa tlolo ea Moea o Halalelang, ho fumana e—e hora, seo Molaetsa oa hora o leng sona, linako tse ling ha ke khone ho tsoa le ho phetha mesebetsi ea ka joaloka mohlanka oa Kreste, joaloka moreri. Empa ke na le banna ba 'maloa ba lekang ho nthusa ho etsa sena, etsoe ke leboha hoo haholo, baena ba ka bohole ba bareri.

<sup>18</sup> Joale, ha kea ikemisetsa ho leka ho tšoarella batho. Haeba lona, kantle lefatšeng leo Molaetsa o eang ho lona, le ka ema la sheba kereke ena hoseng hona, lipakeng tsa litulo, matlung a masea, kantle, diradio li butsoe, kahara libese, likarafane, le lintho tse joalo, le makoloi, le tla bona bothata ba eona. 'Me hape tšebeletso efe le efe, bongata, ngata bo khanna bo feta; bo a letsia, le lintho tse joalo, ha ba khona ho kena kapa ho atamela feela. 'Me re hloka sebaka ho lulisa batho ba phutholohile.

'Me hape ho tlisa e—e Molaetsa oo ke o hopolang o le bohlokhoa hakana, ke utloa re tlamehile, e mong le e mong, ho lula le phutholohile, re tle re mamele; ka lipensele tsa rōna le pampiri, le linoutšu le Bibele, le lintho tse joalo, ho ngola e—e linoutšu fatše. Empa ka mokhoa ona ke hopotse ho khutlela morao nakong ea rōna, eo re phelang ho eona, ho leka ho hlahisa lintho tsena tseo le tlang ho kopana le tsona. 'Me le tla li hloka.

<sup>19</sup> Ha nka fihla mona kajeno, kapa tsatsi le leng, kapa moreri e mong, ho leka ho tlisetra batho molaetsa, batho ba shoang ba kang rōna, homme le nako e atametse hakana, kamoo ke lumelang letsatsing lena; ke tla be ke le moikaketsi ho leka ho tlisa ntho eo ke e tsebang e tla le thabisa koana e le khahlano le Lentsoe la Molimo, kapa ntho e sheshenang letšoelle, kapa—kapa ntho e kang eo; ekabe'ba ha ke—ke...

ekabe'ba ha kea—kea tlela morero oo mona, ho ba mosebeletsi oa Kreste. Ke batla ho tlisa ntho e tlang ho ba boholokoa ho lona, e seng ho bonoa feela; empa ho nahana haeba nka shoa kajeno, hosane e tla be e ankoriloe pelōng tsa lona ho tloha le ho ea sebeletsa Molimo.

<sup>20</sup> Joale ke batla ho bolela hore ntho e 'ngoe e mothating oa ho etsahala. Kea e tseba. Bongata ba lona mona le sa hopola mohla Moena Junior Jackson a fihlang ho 'na pejana ke ea Arizona, mabapi le toro ea hae. Ntho e hlollang! Ba e hopolang ba bakae? [Phutheho e re, "Amen."—Mong.] 'Me eaba Morena o re koahollela eona, 'me e hlahile ea otla botsekeng. Joale, o sa tsoa lora toro e 'ngoe, ntho e 'ngoe.

<sup>21</sup> 'Me ntho e hlollang, monna o fihlile mona tsatsi le leng, a tsoa Oregon. O batla a sa ntsebe, 'me o ne a...keha a lorile toro e tsoanang, le eo Junior Jackson a e lorileng, 'me—'me a tla ho mpolella. Ha ke—ke tsebe koahollo; ke emetse Morena. Empa ke tseba e le ntho e tla tsoa ho Molimo. Le mpe le hopole hoo. Ke HO RIALO MORENA. Ke ntho e tsoang ho Molimo. Ha ke tsebe seo e leng sona. Ehlide e a makatsa, e makatsa e tiile! Ho bua 'nete, ho latela e—e litoro tsa banna ba babeli bao... E mong oa bona nka... e ka ba Mobaptise, Presbeteriene. E ka ba o—o lutse mona hoseng hona. Ha ke tsebe. O na le mona tsatsi le leng. Ha ke tsebe monna eo.

<sup>22</sup> Empa o mphetetse toro, likeleli li kolla mahlong a hae. Ea mo khohlopa. A tsoa hole koana Oregon mona, ho e hhalosa. Moena Jackson o tlie ka ho tsoana, hoseng hona. Monna e mong a sa tsebe e mong; e mong, ba arohane ka sekete sa limaele, 'me litoro tse peli tseo li bua ntho e le 'ngoe. Moea o Halalelang o nkhanela koahollo. Ha ke tsebe seo nka se bolellang monna. Empa kea tseba Molimo o mothating oa ho etsa ho hong, 'me e tla ba tlotsi mahlong a rōna.

<sup>23</sup> Joale, Molaetsa oa hoseng hona, ke batla ho bala Bukeng ea Bagalata. Ha ke rere kapa feela...Ke thuto ea sekolo sa Sontaha. 'Me joale, lona banna le basali ba itšetlehileng ka mabota, 'me motho a batla ho fapanyetsana le lona a u lumelle ho lula nakoana, kapa ntho e itseng, joale, le ke ke la ntlhopha; e etseng ka hlompho feela. 'Me ha bommè, bana ba bona ba lla kapa ho hong, motho o tla tsoa tlung ea masea ba tle ba siele bana sebaka.

<sup>24</sup> 'Me joale le late lipensele tsa lona, Bibele, le itokisetse ho ngola Mangolo ao re tla a bala. Ha ke batla hore le ikutloe le hateletsoe. Ke le batla le ikutloa—ke le batla le ikutloa le lokolohile ho lula le ho lekolisa. 'Me le ka tšoha le sa lumelane, etsoe ho itoketse. Empa ke e buoa sechaba ka bophara hoseng hona, e le hore batho ba lumetseng Molaetsa oo Morena Jesu a 'neileng ona bakeng sa hora ena, ba tsebe se etsahalang, ba e tšetlehe ka Lengolo.

<sup>25</sup> Sontaha se fetileng re buile ka *Batlotsoa Letsatsing La Ho Qetela*. 'Me ha uena, mang feela oa lona, le le bamameli ba liteipi, le etse bonneta ba ho fumana teipi eo. Ha se hobane re batla ho rekisa liteipi; hase oona mohopolo oo. Mohopolo ke ho ntša Molaetsa. Ua bona? Ua bona? Ha u ena le mochini o hatisang, teanya sehlopha sa batho, o e letse, le mamele ka hloko. "Ba tlotsitsoeng."

<sup>26</sup> Le utloa ho hlaha batho ba reng, "Oh, Bibele e itse, 'Matsatsing a bofèlo, ho tla hlaha baporofeta ba bohata ba etse lipontšo tsena.'" Ke Lengolo hantle. Ebe taba eo e kena kae? E tlameha ho behoa ka nèpahalo.

Bosiung bona ke batla ho bua kahoo, ha Morena a ratile, ka: *Molimo O Senotsoe Lentsoeng La Oona*, kamoo leihlo le ke keng la beoa malulong a tsebe. Ua bona? Ho joaloka ho ngola Bibele eohle, 'me, kahara Bibele eohle, e bapisa Jesu Kreste. Ke batla ho bua kahoo bosius bona, ha Morena a ratile. 'Me joale, haeba ho se joalo, ka mohla o mong.

<sup>27</sup> Joale Bukeng ea Bagalata. Le Bukeng ea Bobeli ea Bakorinthe 4:1 ho fihla ho 6, e ntano ba Bagalata 1:1 ho fihla ho 4, ke batla ho bala Lengolo nakoana. Joale ho Bagalata 1:1 ho fihla ho 4, "Pauluse, moapostola," shebang khefutso eo ka potlako. *Moapostola* ke ho re "ea romiloeng," kapa "mishinari."

*Ke le Pauluse, moapostola, (e seng ka batho, leha e le ka motho, empa...ka Jesu Kreste, le ka Molimo Ntate, o mo tsositseng bafung;)*

*Ke ena le baena bohle ba ho 'na, ke ngolla likereke tsa Galatia:*

*Ke re a le ke le neoe mohau le khotso ke Molimo Ntate oa rōna, le ke eëna Morena Jesu Kreste,*

*Ea iteletseng libe tsa rōna, a tle a re namolele lefatšeng la joale le lebe, ka ho rata ha Molimo... Ntata rōna:*

*Ho eëna e be khanya ka ho sa feleng. Amen.*

<sup>28</sup> Joale Bukeng ea Bakorinthe ba Bobeli, khaolo ea 4, 'me re tla bala ho qala ka litemana, 1 ho fihla ho 6.

*Ka baka leo ha re ntse re ena le tšebeletso, eo ka mohau o re hlahetseng, ha re tepelle;*

*Empa re lahlide lintho tse patoang tse lihlong, 'me ha re tsamaee ka mano, ha re tsoakanye lenshoe la Molimo; empa ka ho hlahisa 'nete re iketsetsa kemelo matsoalong a batho bohle pela Molimo.*

*Ekare ha evangeli ea rōna e koahetsoe, eona e koahelletsoe ba timelang:*

Haeba e sa kenyeteletse boitherelopele, ha ke tsebe se etsang joalo.

*E leng bao molimo oa lefatše lena o seng o ba foufalitseng likelello ke ho re ba sa lumelang, ba tle ba se ke ba chabeloa, ke leseli la evangeli ea khanya ea Kreste, eo e leng setšoantšo sa Molimo.*

Joaloka tšimong ea Edene, “Ba lelekoe, esere ba ama Sefate seo.”

*Hobane ha re ipolele, empa re bolela Kreste Jesu hore ke Morena; . . . haele rōna re ipolela hore re bahlanka ba lona ka baka la Kreste.*

*Hobane Molimo, o kileng oa re leseli le hlahe lefifing, ke oona o bonesitseng lipelōng tsa rōna, le ho hlahisa leseli la tsebo ea khanya ea Molimo e bonahalang ho Jesu Kreste.*

<sup>29</sup> Amen! Lentsoe le baloa joalo! Joale, therō ea ka hoseng hona, ke ena: *Molimo Oa Mongoaha O Mobe Ona*. Kamoo re balileng Mangolong, “molimo oa lefatše lena, mongoaha o mobe ona.” Joale, Molaetsa ona o supa limpe tsa mongoaha o mobe ona, ’me ke tšoanelo ho porofeta ka mongoaha o mobe ona.

’Me ke lumela hobane ntho eohle . . . hore Bibebe e tšoere karabo ka ’ngoe ea mongoaha ka mong, e ngotsoe kahara Bibebe, bakeng sa molumeli oa mongoaha oo. Kea lumela hore sohle seo re se hlokang se ngotsoe hantle *Mona*, se mpa se hloka ho tolokoa ke *Moea* o *Halalelang*. Ha ke lumele mang lefatšeng a ena le tokelo ea ho itlhalosetsa Lentsoe. Molimo ha o hloke motho ofe ho toloka Lentsoe la Oona. Ke toloko ka Boona ba Hae. O itse O tla e etsa, ’me O a e etsa.

<sup>30</sup> Joalokaha ke buile khafetsa. O itse, “Moroetsana o tla emola,” O e buile ka melomo ea moporofeta, ’me o e entse. Motho ha a tlameha ho toloka hoo. Tšimolohong, O itse, “Leseli le be teng,” ’me le hlahile. Ha ho mang ea tlamehang ho E toloka. O itse, “Matsatsing a bofelo, O tla tšela nama eohle ka *Moea* oa *Hae*,” ’me O e entse. Ha E hloke ho tolokoa ka letho. O itse, “Matsatsing a bofelo, lintho tsena” (tsee re li bonang li hlahia joale) “li tla fihla mona.” Ha E hloke botoloki ba letho. E se e tolokiloe. Ua bona?

<sup>31</sup> Joale, elelloang ka hloko joale re sa balisia Lentsoe. *Molimo Oa Mongoaha O Mobe Ona*, oo re phelang ho ona joale. Ekare e a makatsa, ke ntho e makatsang haholo, mongoaheng ona oa mohau, mohla, “Molimo o nka batho bakeng sa *Lebitso la Hae*,” eo ke *Monyaluoa* oa *Hae*, mongoaheng o mobe o tlamehang ho bitsoa mongoaha oa bobo. Ona mongoaha oo “Molimo o bitsang batho bakeng sa *Lebitso la Hae*,” ka mohau, kantle, athe o bitsoa mongoaha o mobe. Joale, re tla kholisa ka Bibebe hobane O ne a bua ka mongoaha ona. Ke ntho e makatsang haholo ho e nahana, hore mongoaheng o mobe tjena, Molimo o tla be o bitsa *Monyaluoa* oa *Oona*.

<sup>32</sup> Lea eeloa, O itse, “batho,” e seng “kereke.” Hobaneng? Koana, E bitsoa Kereke, empa O tla bitsa “batho.” Joale, kereke ke khobokano ea batho ba bangata ba mehlahloe e fapaneng. Empa Molimo o bitsa e mong mona...Ha A re, “Ke tla bitsa Methodise, Baptise, Pentekosta.” O itse O tla bitsa batho. Bakeng sa eng? Lebitso la Hae. Ua bona, batho; e mong o tsoa Methodise, e mong o tsoa Baptise, e mong o tsoa Lutherane, e mong o tsoa Katolike. Ua bona?

Empa O a bitsa, e seng seholpha sa kereke, empa “batho bakeng sa Lebitso la Hae,” ba amohelang Lebitso la Hae, ba beeletsoeng ka Lebitso la Hae, ba ea moketeng ho nyaloa ke Eèna, ho fetoha karolo ea Hae, ua bona, ka boitherelopele. Joaloka monna ea khethang mohatsa’ea ea nèpileng oa bophelo, o ne a reroe ho ba karolo ea ’mele oa hae. Ho a tšoana, ho joalo, Monyaluoia oa Kreste o tla ba joalo, ’me o joalo joale, ho tloha khale, o reriloe ke Molimo ho fetoha karolo ea ’Mele oo. Ua bona? Oh, Mangolo a ennè hakakang, a kolla linotši!

<sup>33</sup> Lemohang, hase se builoeng ke motho mang, se bitsitsoeng ke motho mang; empa se khethiloeng ke Molimo pele ho theoa lefatše, le ho bitsa batho bana matsatsing a bofèlo; e seng mokhatlo. “Batho bakeng sa Lebitso la Hae.” ’Me O e etsa mongoaheng o mobe ona, mongoaha ona oa thetso.

<sup>34</sup> Veke e fetileng, ho Mattheu 24, keha e le mongoaha o thetsang ka ho fetisa hara mengoaha eohle. Mengoaha eohle ea thetso, ho qala tšimong ea Edene, ho theoha joalo, ha ho mongoaha o kileng oa thetsa joaloka ona. “Ho tla hlaha baporofeta ba bohata ba etse mehlolo le meeka, ho be ho thetsoe Mokhethoa hola ho ka etsoa.” Ua bona? Joale, likereke tse batang feela, tse fofò, tse satalatseng, le lintho tse joalo, tsa thutamolimo ea motho, e ke ke ea khona; Mokhethoa a ke ke a e natsa ka letho. Empa e holimo koana e batla e tšoana le ntho ea sebele. Ho siea Lentsoe le le leng ke phetho seo u tlamehang ho se etsa. E tsepisitsoe mongoaha ona; ehlide ke nako e khôlô! Bakreste, hohle, le hlokomele hora eo re phelang ho eona! Le tsoae, le bale, le thee tsebe.

<sup>35</sup> Lebaka la Molimo ke lefe ho bitsa batho mongoaheng o mobe ona, bakeng sa Lebitso la Hae? Lebaka la eona, ke ho Mo hlahloba, Monyaluoia oa Hae. Ke ho...Mohla A pepesoang, a hlahlobiloe, a netefatsoa, a kholisoa ho Satane. Joaloka qalong, ho tla ba joalo qetellong.

<sup>36</sup> Joaloka peō ha e simolla mobung, e nyoloha e jeroe ke lipelesa, bophelo ba eona, empa e qetella e le eona peō e keneng mobung.

Ho a tšoana le peō ea thetso e oetse mobung, Edene, e qetella ka ho tšoana matsatsing a bofelo.

Joalokaha Evangelie e khehlemane bolumeling ba mekhatlo mane Nicaea, Roma, e qetella e le mokhatlo oa motonana.

Ho a tšoana le ka Peō ea Kereke e oeleng morao mane, ka lipontšo, meeka, 'me Kreste a phela hara bona, e phethela matsatsi a bofèlo tlasa tšebetso ea Malaki 4, e boela e khutlisa Tumelo ea mantlha e kileng ea abjoe.

<sup>37</sup> Joale rea fumana, morero oa mongoaha o mobe ona ke ho pakela, Satane, hore ha A tšoane le Eva, hore Ha se mosali oa mofuta oo. 'Me O tla hlahlojoa ka Lentsoe la Hae, Monyaluo, joaloka monyaluo oa Adama ha a hlahlobiloe ka Lentsoe. 'Me monyaluo oa Adama o lumetse karoloana eohle ea Lentsoe, tsohle, a mpa a ferakana tšepisong e le 'ngoe, ho re, "Esale Eèna maobane, kajeno, le ka mehla," kajeno, ua bona; a mpa a sitoa tšepisong e le 'ngoe, tlasa moleko oa sera, lifahleho li talimane. 'Me joale, batho ba biletsoang Lebitso la Hae, ehlile, ke Monyaluo oa Hae. O tla boela a kopana le hona hoo; e tla be e se ka 'nete ea bolumeli ba mokhatlo kapa ntho e esele feela, empa ka Lentsoe ka leng!

<sup>38</sup> Hoba, qalong ea Bibele, motho o filoe Lentsoe la Molimo ho phela ka lona. Lentsoe le le leng, le tolokiloeng ka phoso ke e-e monna ea bitsoang Satane, ka botho ba phoofolo e bitsoang sepente. Satane, ka ho motho enoa, o khonne ho qoqa le Eva, 'me a mo tolokela Lentsoe ka phoso, a lahleha. Ua bona, eka khona E be Lentsoe le leng le le leng.

<sup>39</sup> Mahareng a Bibele, Jesu o tlie a re, "Motho a ke ke a phela ke bohobe feela, empa ka Lentsoe le leng le le leng," mohla A ne a lekoa ke Satane.

Joale, mona Molimo o re bolella matsatsing a bofèlo, ho thoe, "Matsatsing a bofèlo ho tla hlaha molimo oa lefatše lena."

"Ekare ha e mong a eketsa lentsoe ho Lona, kapa a tlosa Lentsoe ho Lona, kabelo ea hae e tla tlsooa Bukeng ea Bophelo."

Molimo a re hauhele! 'Me re se tsamaee sa lihempe tse sataletseng, re pepile lipeta, re leletse, re le botsebanyane, hoba le röna re kile ra hloka kutlo. Empa ka mohau, le ka lerekö, le ka maikutlo ka pelöng ea röna nqa Molimo, re ke re atamele Terone ea mohau ka boikkokobetso.

<sup>40</sup> Ho a hlolla joale, ka mora lilemo tse sekete le makholo a robong tsa therö ea Evangel, joale eèna, eo ke tsamaiso ea lefatše, e mpefetse ho feta matsatsing ao, mohla A ne a le mona. Tsamaiso ea lefatše e mpefetse ho feta. Lefatše le atamela sehlohlolo se seholo. Le tseba seo. Morena o phethisa Lentsoe la Hae ka nqa tsohle.

<sup>41</sup> Maobane, ho ema... Ke tšepa mohlanka a ke ke... A ke ke a e etsa. E ne e le ha ke tlie le mohatsa ka, le Mof. Woods, Moena Roy Roberson, kae-kae mona, Moena Woods, re ile ra khefutsa mona nthoaneng ea Youngstown Shopping Centre, ho fumana pakana ea—ea Khaitseli Woods. 'Me pele... eare re sa eme mono, ha atamela mothaka e mong a itsebisa, ke sa

mo tsebe. Ha boela ha nyoloha mothaka e mong ba itlaleha ba tsoa Alabama kapa, Georg-... Kea kholoa Georgia, kaha ke ba botsitse haeba ba tseba Moena Welch Evans. Eaba re qoqa metsotso e 'maloa. Eitseha ke tsamaea, mothaka e mocha enoa a ncheba. Nakong eo mothaka e mong le moshanyana oa hae ba tsamaeang, mothaka e mocha enoa a ncheba. A re, "Ke sa batla ho bua ntho e le 'ngoe."

Ka re, "Na—na u molumeli? U Mokreste na?"

Ha thoe, "Che, monghali." A re, "Esale ke..."

<sup>42</sup> Nka sitoa ho bua seo a se buileng mona, empa keha a batla a belaela. Ke ile ka 'motsa ka lintho tse mabapi le ho hlaha ha Lengeloi la Morena. A ipolela a utloetse ka tsona, empa a eso fihle kerekeng pele, kerekeng ena. Ka re, "U a E lumela na?"

Ha thoe, "E, monghali." A re, "Esale ke—ke shebeletse ntho e 'ngoe." Ha thoe, "Esale batho ba mpolella ka bolepi bona le ka lintho, ebole ke utloile le teiping u lepa kamoo California e tla ngamoha ka mokhoa oo." Le ho re, "Eitseha ke e bona pampiring, eaba kea e lumela." A re, "Kea tla kajeno kapa hosane," ke ho re kajeno, "khetlo la ka la pele."

Ka re, "Morena a u hlohonolofatse, mora," ha ke tsukutla letsoho la hae.

A re, "Empa ke sa batla ho u bolella taba, monghali." A re, "Ke lahlehile ho lahleha." A re, "Ke tšoana le chelete hara qubu ea lehlabathe, ke lahlehile!"

<sup>43</sup> Ka re, "Empa ha u a tlameha ho itulela u le joalo. O teng Ea emeng hona joale Ea ka u fumanang motsotsong oo u ikemiselitseng ho fumanoa ka oona."

A re, "Ke itokisitse."

Ka re, "Na u ka inamisa hlooho ea hao?"

A re, "Ha ke na lihlong."

Ha se hoo feela, empa a khumama ka mangole a hae, mono boemeng ba makoloi, pontšeng ea batho bao bohle. Batho ba seterata ba mo shebile. Ra rapela le eëna mono, ho fihlela a nehela Molimo pelō ea hae. O nyolohile, e le moetsalibe; a khutla, e le ngoana oa Molimo. O fihlile pela koloi, a shoele; a khutla, a se a phetse.

<sup>44</sup> Ka re, "Letša le tla buloa hosane."

Se teng seliba sa Mali,  
A montsoe motsong oa Immanuele,  
Ba'libe ba qoelang 'qhubung leo,  
Ba lahla sekoli sohle sa molato oa bona.

Ka re, "Tsoha u kolobetsoe ka Lebitso la Jesu Kreste, u ntse u bitsa Lebitso la Morena. Molimo o tla u tlatsa ka Moea o Halalelang, 'me a u fe lintho tse khõlõ tsena, u tle u khone ho E bona."

<sup>45</sup> Ke eng? Lefatše le habile sehlohlolo. Hobaneng? Moea o tsoileng taolong, boitšoaro bo bolileng, bolumeli ba saense, bo le fihlisitse ho “letsaba la linonyana tsohle tse e iloang le tse sa hloekang,” kamoo Bibele e boletseng. Ha re e baleng, Tšenolo 18. Re sa qalisa ntlhaneng ena, ha re nkeng Tsenolo 18:1 ho fihla ho 5. Kea khlooa ke e tšoaille hantle.

*Ka mora tseo ka bona lengeloi le theoha leholimōng, le ena le matla a maholo; 'me lefatše la bonesoa ke khanya ea lona.*

*La hooa ka lentsoe le phahameng le phepa, (joale lona batho esale le lora litoro)...la re, O a oa, o a oa Babilona e moholo, o fetohile moaho oa batemona, letsaba la meea eohle e litšila, ...letsaba la linonyana tsohle tse sa hloekang tse iloang.*

*Hobane lichaba tsohle li inoletse veine ea bohale ba maotsoa a hae (kereke), 'me marena a lefatše a febane le eèna, 'me bahoebi ba lefatše ba se ba ennè ka boholo ba menōnō ea hae.*

*Eaba ke utloa lentsoe le leng le tsoang leholimōng, le re, Tlohang ho eèna, lona sechaba sa ka, le sa tšohe le kenèlla libe tsa hae, ...lona la oeloa ke likotsi tsa hae.*

*Hobane sebe sa hae li se li kolohane ho ea fihla leholimōng, 'me Molimo o hopola bokhopo ba hae.*

<sup>46</sup> Temoso e kakang! Hoo ho boela ho lahlela kereke morao ho Tšenolo 3:14, ho mongoaha oa Laodisea, ho tsoa taolong; ho tlala borapeli, empa ho tsoa taolong. “Uena, erekaha u re, ‘Re barui, ha re hloke letho,’ ha u tsebe hobane u feela, malimabe, u sefolu, athe ha u tsebe.” E bapa le Lengolo la mongoaha ona ka phethahalo, ha e bape le Lengolo la mongoaha oa Daniele, ha e lebahane le bao ba lebitso la...ba mongoaha oa Nooe, empa mongoaheng ona oa ho qetela, mongoaha o mobe.

<sup>47</sup> Lemohang mona, “U feela.” E reng e thophothele ka botebo. Kea tseba mohopolo ona o ka hanetsoa haholo bosiusing bona, empa Mokreste o batla a sa tsoe lapeng la hae a sa hlahe pontšeng ea mongoaha o mobe ona, oa basali ba sa aparang ka ho tlala.

<sup>48</sup> Basali, ke tlil'o bua sena, 'me ke le batla le mametse. 'Me, banna le basali, le ka hanyetsa taba ena, empa ke utloa ke etelloa ho e bua. Na le tsebile, mosali ofe ea hlobolang ka mokhoa oo kelello ea hae ha e sebetse hantle? Na lea tseba, eèna, a e lumela kapa che, kapa a sa nahane, ke seotsoa? Leha koana mosali a ka phahamisa letsoho la hae pela Molimo a ikana a eso a ngoe ke monna e mong ntle le molekane oa hae, 'me e ka be e le 'nete e tiileng, empa e sa ntse e le seotsoa. Jesu o itse, “Ea shebang mosali ho mo lakatsa o se a mo feibile.” 'Me mosali a ka ba ...

<sup>49</sup> Ua bona, eèna o “feela,” Bibele e itsalo, “athe ha a tsebe.” Moea o mo tlotsang ho etsa lintho tseo ke moea o mobe, oa seotsoa. Botho ba hae kantle, ’mele oa hae oa nama, nama ea hae, e ka ba o hloekile. Mohlomong ha a etse bohlola ba letho, ’me a ka ikana ho Molimo e le ’nete, ho re ha eso etse letho, empa moea oa hae ke moea oa seotsoa. O foufalitsoe ke molimo oa feshene ea lefatše lena; o apere ka ho chachisa o tsoetse kantle mono.

<sup>50</sup> Letsatsi le leng, ’na le Moena Woods re ne re sunya seketsoana sa röna nokeng. Ke ne ke tlameha ho tloha lapeng metsotso e ’maloa, ho nyolohela nokeng. ’Me hohle moo u eang teng, keha basali ba apere linthoana tsena tsa . . . tse bitsoang ’kinis kapa ntho e ’ngoe, e ba tlamileng. Ke lihlong. Kelello ea mosali eo e ka se sebetse hantle haeba a apara nyee e kang eo. O arubelitsoe ke moea oa seotsoa. Joale, u lokise litaba le Molimo, mofumahali, hoba tsatsi le leng u tla e fumana e le ’Nete.

<sup>51</sup> U ka khona joang, mofumahali, athe u tseba ’mele oa hao o khethhehile, u ntano o pepesetsa batemona bana kantle mono, ba tletseng litakatso ba tletseng sebe ba tsamaeang seterateng sa letsatsi lena? Holane bara ba Molimo esale bara ba Molimo, molekane oa hao e ne e le mora Molimo, a ka be a u apesa liaparo kapa a u tlohele. Holane moshanyana oa hao e ne e le mora oa Molimo, a ka be a sa nyale nyee e kang eo. Ua bona?

U re, “U etsa tlhah- . . .” Che.

Ke u bolella ’Nete, ’me u tla kopana le Eona tsatsi le leng. “Feela, sehlola; athe ha a tsebe.”

<sup>52</sup> “Oh, ke ikana ke eso tlore likano tsa molekane oa ka.” Molekane oa hao o tla u ahlolela eona ha u ka e etsa. Empa Molimo o tla u ahlolka mofuta oa moea o ahileng ka ho uena; a sa u ahloleka ’mele oa hao, empa ka moea oa hao, motho eo oa kahare.

<sup>53</sup> Motho ea kantle ke motho oa nama ea laoloang ke lithokutlo tse tseletseng . . . kapa lithokutlo tse hlano, ke rialo. Motho ea kahare ke motho oa moea ea laoloang ke lithokutlo tse hlano; letsoalo, le lerato, le tse joalo. Motho ea kantle; bona, latsoa, ama, fofonela, utloa.

Empa ho na le soule kahara moea oo, ’me eona e laoloa ke ntho e le ’ngoe, thato ea hao e lokolohileng. U ka amohela seo libalosi a se buang kapa ua amohela seo Molimo a se buang. ’Me ke hona ho tla rala moea o ahileng kahare ka mono. Haeba e le Moea oa Molimo, O tla iphepa ka lintho tsa Molimo, ’me O ke ke oa iphepa ka ntho efe ea lefatše. Jesu o itse, “Ekare ha u rata lefatše leha e le lintho tsa lefatše, ke ka hobane lerato la. Molimo le eso kene kahara bokahare bona.” Satane o u thetsitse. “Me motho a ke ke a phela ke bohobe feela, empa ka Lentsoe le leng le le leng le tsoang molomong oa Molimo.”

Lemohang joale, re mo fihlela a le “feela,” e le mafeelane a bile a hlobotse.

<sup>54</sup> 'Me eka lefatše le kene mongoaheng o mobe ka ho fetisa o kileng oa hlaha. Basali ha ba eso itšoare joalo mongoaheng o mong, le ka mohla haese pejana ho tšenyeho ea lefatše la morallo. Ebile Jesu o buile ka eona. Re tla e finyella ka mora nakoana.

<sup>55</sup> Na ebe Molimo o lahlehetsoe ke taolo, kapa na ebe O mpa a lumella lengosa le leng ho laola? Kea ipotsa. Karabo e nèpileng ea potso ena, ho latèla mohopolo oa ka, ho na le meeа e mebeli e thulanang lefatšeng kajeno, e a sebetsa. Joale, e ke ke ea feta bobeli, lihlooho li peli. 'Me e 'Ngoe ke tšebetso ea Moea o Halalelang; e 'ngoe ke moea oa liabolosi, homme, matsatsing ana a bofelo, ka thetso.

Joale ke tlil'o tšetleha mohopolo oa ka mona therò ea ka kaofela, kaofela ha . . . Molaetsa oa rōna.

<sup>56</sup> Meea e mebeli. O mong, ke Moea o Halalelang oa Molimo; o mong, ke moea oa liabolosi, o sebetsang ka thetso. Hajoale batho ba lefatše ba etsa khetho ea bona.

Moea o Halalelang o teng mona o bitsa Monyaluoa bakeng sa Kreste. O e phethisa ka ho Mo netefaletsa Lentsoe la Hae la tšepiso, bakeng sa mongoaha ona, ho supa hobane Ke Kreste.

Haeba monoana o tlameha ho nka khato mongoaheng ona, monoana o tla nka khato. Haeba leoto le tlameha ho nka khato mongoaheng ona, leoto le tla nka khato. Haeba leihlo le tlameha ho bona mongoaheng ona, leihlo le tla bona. Ua bona?

Moea oa Molimo, ha O ntse o hola o finyella boemo bo tletseng ba Molimo, ke mongoaha oo re phelang ho ona joale. Moea o Halalelang o teng mona ho netefatsa Molaetsa oa hora. 'Me Moea o Halalelang o etsa sena, e le hore batho ba lumelang Molimo ba tle ba bitsoe ba ntšoe tšenyehong ena.

Moea o sa halaleleng oa liabolosi o teng mona o ntse o bitsa kereke ea hae ka leshano, joale le kamehla, ka khopamiso ea Lentsoe la Molimo, kamoo a entseng qalong. Ana lea e bona ha boela e khutlela nakong eo ea peō hape, e tsoang Edene? Ke ena hape.

<sup>57</sup> Joale, morao mono, u set- . . . mengoaheng e meng, u ne u le ba setho sa malumeli a mekhatlo, u le setho sa *sena, sane*, kapa se *seng*. Ho etsahetseng ka tlhaka ea bolumeli ba mokhatlo? E omme. Moea ha o khaotse ho tsamaea o khaotse, 'me O bokellana kahara Peō. U a bona?

<sup>58</sup> 'Me teko, ea bobeli boo, e khutlela qalong ka ho tšoana. Lemohang. U se ke—u se ke, che, u se e lebale joale.

Joaleka Johanne, Johanne oa Pele 4:5 le 6, ha le batla ho le ngola fatše, o e beha tjena, “moea oa leshano.”

Eva ha a tsoa feela, ka boomo, ha thoe, "Ha ke lumele ho Molimo." Che. Ke leshano leo a le lumetseng.

<sup>59</sup> Satane ha a tsoa a ntse a re, "Oh, be, ebile ha se Lentsoe la Molimo leo." O amohetse hore Ke Lentsoe la Molimo, empa eaba o itolokela Lona. Athe, Molimo o ba laetse a totobetse ho se etse joalo.

Hona ho etsang? "Ho hlahisa leshano le sebetsang ka matla, batho ba tle ba lumele leshano, ba ahloloe ka lona." Joale ha u batla ho le bala, Bathessalonika ba Bobeli 2:11.

<sup>60</sup> Erekaha ke batla ke tšoere, Mangolo a 'maloa mona, 'me re ke ke ra khona ho a bala kaofela. Le le leng ka nako, ke tla le nea ona. Kaha e bonahala e makatsa, haeba u ipotsa kapa ho hong, 'me re ka le ngola fatše ra le bala molemong oa lona—oa lona.

<sup>61</sup> "Moea oa leshano o sebetsang ka matla," kamoo Bibele e boletseng e tla etsahala, Bathessalonika ba Bobeli. "Joale, monna enoa oa sebe o tla hlahala, a lule tempeleng ea Molimo, a ipontše e le Molimo, me o tla kenya batho mashanong sebetsang ka matla, ho lumela leshano; 'me, ho le lumela, ba tla ahloloa ke lona."

O entse hona hoo ho Eva. Ho mo neeletsa... Ha eso—ha eso re ho eèna Lentsoe ha lea loka, a mpa a mo besetsa leshano le sebetsang ka matla, a ba a lumela leshano.

<sup>62</sup> Moea oa leshano ke oa liabolosi. "E leng matemona a sebetsang joale ho bana ba ho se lumele." Ba sa lumeleng eng? Bana ba letsatsi lena ha ba lumele eng? Joaloka Eva, qalong, Lentsoe la 'nete la Molimo. Ke hantle. Joale ha u batla ho fumana hoo...

Ha re le phetleng, Baefese 2, motsotso feela, kaha e bonahala e ka ba molemo ha re... Ke tla emisa motsotso feela, haeba le sa potlaka haholo, le ho bala lethonyana lena. Baefese 2:1 ho isa ho 2.

*O le tsositse joalo, le lona le kileng le shoele melatong ea lona le sebeng sa lona:*

*Tseo likhaleng le neng le itsamaela ho tsona ka mokhoa oa lefatše lena, ha le ne le sa busoa ke morena ea busang matla a sebaka, e leng moea o sebetsang joale baneng ba ho se lumele:*

<sup>63</sup> "Bana ba ho se lumele." 'Me efèla ha antikreste, a qalile ka lesea le sa lumeleng, ebe ho tla ba joang mohla e bokellanang ka ho motho antikreste? E tla ba thetso e kakang! Motho ea—ea holileng a ka thetsa lefatše ka matla hakakang, ho feta ngoana oa lesea! 'Me o boletse, "Moea oa—oa thetso o sebetsang joale baneng ba ho se lumele," ba sa lumeleng Lentsoe. Lemohang. Joale ke batla ho lika-lika motsotsoana mona, "bana ba ho se lumele," ngoana.

<sup>64</sup> Na u tsebile, uena, tšimolohong, nka paka ka Lentsoe la Molimo hore uena, motho mang ea ka mona, u phetse ka ho

ntatao-moholoholo. 'Me ntatao-moholoholo, u theoha u tsoa ho ntatao-moholo, ua kena ho ntatao, ea ntoo ba uena. U tseba seo?

Bibele e boletse, kea khola ke Baheberu 7, ho thoe, Melkisedeke, mohla Abrahama a khutlang ho tsoa qhala marena, "Abrahama o ntšelitse Melkisedeke karolo ea leshome ea likhapo tsohle." 'Me mona Pauluse o bua joale, ho thoe, "Levi, ea amohelang karolo ea leshome, o ne a sa le... O ntšisitsoe karolo ea leshome, hobane o ne a le lethekeng la Abrahama mohla a kopanang le Melkisedeke." Ka baka leo sohle seo Abrahama a se entseng, re fumana Levi a ne a le ka ho Abrahama mohlang oo, eèna e beng e le ntata-moholoholo oa hae. Abrahama o tsoetse Isaaka; Isaaka o tsoetse Jakobo; Jakobo o tsoetse bapatriareka, Levi.

Joale, hape, u a bona, mona boitherelopele, bo hlaha bo totobetse.

<sup>65</sup> Joale, kahara Melaetsa ena, ke batla ho—ho—ho toboketsa lintho tsena tseo ke le boleletseng tsona Molaetseng, tsa Leseli lena la mantsiboea leo Molimo a le boletseng le tla fihla holima lefatše.

<sup>66</sup> 'Me joale lemohang, hape, "Sebata se hlahileng lefatšeng, se tla thetsa bohle bao mabitso a bona a sa beoang Bukeng ea Bophelo ea Konyana, e hlabiloeng pele ho theoa lefatše."

<sup>67</sup> Mohopalong oa Molimo; Molimo, Moea o moholo. Tšimolohong, le pele ho tšimoloho, E ne e le Molimo, 'me na u tsebile hobane u ne u le ka ho Oona mohlang oo? Haeba u le Mokreste joale, u ne u le ka ho Oona mohlang oo.

'Me hape, haeba ho le joalo, Bomolimo bohle ka nama bo kile ba ipopa ka ho Motho e leng Jesu Kreste. 'Me mohla Jesu a ne a eshoa sefapanong, ke shoelie le Eèna, hoba ke ne ke le ka ho Eèna mohlang oo; hoba E ne e le bottlalo ba Lentsoe, le bonahetseng, o re tsebile re tla bonahatsoa hamorao. 'Me re ne re le Kalvari le Eèna. Re kene lebitleng le Eèna. 'Me ra tsoha le Eèna tsohong ea Hae. 'Me joale re nyolohetse, ka Moea oa Hae, Teroneng ea mohau, re lutse 'moho libakeng tsa Lehlimo ka ho Kreste Jesu. Kamehla!

<sup>68</sup> Hobane kamoo lefi la bophelo ba tlhaho le theohang kateng, le melisoa ho tloha ho ntate ho ea ho ntate, ho ea ho ntate, ho ea ho ntate, le Bophelo ba Kreste bo melisoa joalo.

Ka lona lebaka leo Molimo o sebelisa Moea oa Elia makhetlo a mahlano a fapaneng. Ke eng? Ke neeletsano.

<sup>69</sup> Feela kamoo bophelo ba hao ba tlhaho le mafutso a neeletsanoang ho qala tsoalong ea tlhaho ea ntatao, le Moea oa Molimo, o reriloeng pele ho theoa lefatše o sebetsa joalo.

'Me mohla Lentsoe la Molimo lohle, ka bottlalo, le ne le bokellana kahara 'mele oa motho ea bitsoang Jesu Kreste,

Molimo o ntefisitse libe tsa ka ka mono, ka ho Eèna ka mono. Eaba O a ntsosa, ho ntsosa le Eèna 'moho, tsohong. 'Me joale re lutse le Eèna, ka matla le ka borena holima liabolosi ka mong. Oh, hola feela le ka lumela seo Molimo a se abileng! Empa ha u sa lula mono, ha u na letho. 'Me ha u lutse mono, 'me u sa e lumele, 'me u tsaba ho nka khato, u ke ke ua e sebelisa. Empa ha u lutse mono, u tla e sebelisa, hobane u ne u khetheloe ho etsa seo u se etsang.

<sup>70</sup> “Faro,” ka mose oane, “o ne a hlahisetsoe morero ona,” Bibele e boletse, hore e tle e be Faro. “Judase Iskariota o ne a hlahisetsoe ho ba mora oa tahlèho.”

Joale shebang Linnete tse khôlô tsena tseo re li atamelang.

<sup>71</sup> Joale re bona kereke e hanne ho amohela Lentsoe la Molimo ho ba busa, 'me ba amohela Barabase. Joale, ha le batla Lengolo la eona, ke Mattheu 27:15 ho isa ho 23. Taba ena e entseng? Taba ee e fehlile malulo afe? Joale e nahanten. Mohla kereke ea lefatše, ka toka ea bophelo ba eona bo hlophisisoeng, banna ba halalelang, kamoo ba ikhopotseng, ba le joalo le mahlong a batho, ba thakhisitse Jesu, ba re, “Monna enoa a ke ke a re busa.” Athé Jesu e ne e le bottlalo ba Lentsoe la Molimo. Johanne oa Pele 1, e hhalosa hoo. 'Me ba itse, “Re ke ra lumella Lentsoe lena la Molimo la re busa.” Athé, E ne e le Lentsoe, empa mahlo a bona a ne a foufaletse seo A neng a le sona. Hobane E ne e le karabo e nèpileng e otlolohileng ea boporofeta bohole bo neng bo tla phethisoa ka ho Eèna.

Joale, bohole re lumela hoo, hobane re hetla morao re e bona e etsahala. Empa holane lefatše la khona, lona la joale, mongoaha ona o mobe oa joale, holane la phela morao koana nakong eo, ba ne ba tla etsa seo ba se etsang kajeno, hobane esale lona Lentsoe leo, le bonahatsoang, ho mongoaha ona. O tla e etsa. Ba ke ke ba etsa letho le sele. “Ke bana ba ho se lumele.” “Ba neetsoe moea oa thetso o sebetsang ka matla, ho lumela leshano, le ho tsuo ka lona.”

<sup>72</sup> Lemohang mohla kereke ea lefatše e ne e hana ho amohela Jesu, e leng Lentsoe, le bonahetseng la letsatsi leo, hobane (hobaneng?) ba kile ba Le toloka ka mokhoa o fapaneng. Empa ba tlamehile ba be ba Mo tsebile e le Lentsoe leo, hobane sohle seo Molimo a itseng O tla se etsa, O se entse. 'Me O itse ho bona, “Batlisisang Mangolo a hora ena; 'me ekare ha Ke sa phethise litlhoko tseo ho itsoeng Ke tla li etsa, le se ke la lumela ho 'Na.”

Ba itse, “Rôna re lumela Moshe.”

<sup>73</sup> A re, “Holan le lumetse Moshe, le ka be le lumetse le 'Na, hobane Moshe o buile ka 'Na.” 'Me le joale keha ba sa e bone. Oona Molimo oa Leholidô o shoang sefapanong, a ntse a bolela ona mantsoe ao moporofeta a 'moletseng A tla a bua, 'me le joale ba sa e bone. Ua bona?

E ne e se ba mofuta oa Habo. E ne e se Lentsoe, e ne e se Lentsoe; 'me bao, koana, ba ne ba—ba tletse borapeli haholo. Empa e ne e se Lentsoe, hobane Le—Le ka be le eleletsoe malulo a Lona a hora eo.

<sup>74</sup> Lemohang kamoo Mangolo a lohanang hamonate 'moho mongoaheng o mong le o mong. Lemohang joale.

'Me mohla kereke ea lefatše e ne e hana ho busoa ke Lentsoe la Molimo, ba amohetse 'molai, Barabase. Taba ee e bakileng? E hloellisitse Satane, molimo oa mongoaha o mobe ona, moo esale a batlile ho lula teng.

Joale mamelang. Hoba, Satane ha a tlalehoe e le molimo oa mongoaha o mong ntle le mongoaha ona. Ha a tlalehoa e le molimo oa mongoaha oa Nooe. Ha a boleloa e le—e le molimo oa mongoaha oa Moshe, molimo oa mongoaha oa Elia. Empa, mongoaha o mobe ona, ke eëna... Oh, le se e fose! Ke molimo oa mongoaha o mobe ona, o rapeloa ke limilione le libilione tsa batho, 'me ha ba tsebe. Empa ha re lumelleng Lengolo ho mo utulla hoseng hona, 'me re bone, ke hona le tla tseba. Ha re lumelle Lengolo...

<sup>75</sup> Joaloka litšebeletsong tsa temoho ea moea, ka nako ha Moea o Halalelang a kena hara Lentsoe la Hae 'me A bitsa monna enoa 'me ho itsoe, "Ha u na lebaka la ho phela le mosali e mong enoa. Hobaneng o entse hoo, lilemong tse leshome tse fetileng, mohla u ne u hloaela le mosali oa monna eo?" O ntse a etsang? O a mo pepesa, o utulla Satane, ea tlamileng monna eo, kapa mosali ea phelang le monna oa mosali e mong, kapa libe tseo ba li entseng, lintho tseo ba li entseng. Hoo ho etsang? Ho a mo hlahatsa.

<sup>76</sup> Lingaka li kokosa lithepa li leka ho fumana bothata. Ba ke ke ba khona. Re ke ke ra bolela. Empa ebe moo Moea o Halalelang a fihlang a senola seo a leng sona, le ho mo pepesa. Ua bona? Lentsoe la Molimo le joalo. Ke Leseli le chabang lefifing.

'Me ha u utloa lerata ka phaposing, le hlile le hlolla; mokhoathatsa o mongata oa ntho e sebetsang, 'me u sa tsebe na keng. Khantša leseli, ka potlako... Matjeketjane, likokoroto, ke—ke bana ba lefifi. 'Me ha leseli le halima, li a hasana.

"Ba tsoile ho rōna hobane e ne e se ba rōna," Bibele e itsalo. Ua bona? Ha ba khone ho phela Leseling la lefatše... Hoba, Molimo oa Leholidō o rometse Leseli la Oona matsatsing ana a ho qetela, hore A tle a khantše tselana ea bana ba Oona, ba tle ba se tsamaee lefifing 'me ba khoptjoa, empa e le hore ba tsamaee Leseling la Jesu Kreste ea khantsitseng, eëna maobane, kajeno, le kamehla. Amen!

<sup>77</sup> Lemohang, Satane ha a bitsoe molimo oa mongoaha ofe osele ntle le mongoaha ona. Morero oa hae e ne e ho tšoana le Molimo, ho tloha qalong.

A re baleng taba eo. Re tla nka nako ea rōna feela. Ha re khutleleng morao ho... Ua bona, ke e ngotse fatše, Esaia 14. Ha re khutleleng ho Esaia 14 mona, motsotsotso feela, 'me re bone seo Molimo a se buileng. "Oona molimo," seo Satane a se entseng. Esaia 14:12 le 14. Lemohang.

*U oele joang leholimōng, Uena Lusifere, mora mafube!  
U lihetsoe joang fatše, uena u leng mohlaselalichaba!*

*U ne u re pelōng ea hao, ke tla hloella leholimōng,  
ke bee terone ea ka kaholima linaleli tsa Molimo (bara  
ba Molimo, joale): 'me ke lule thabeng ea phutheho,  
pheletsong ea leboea:*

<sup>78</sup> Morero oa Satane e ne e le ho rapeloa joaloka Molimo. O ile a hapa peli-tharōng, peli-tharōng ea linaleli tsa Leholimō. A hloella holima linaleli tseo, a li rerela, a thetsa peli-tharōng ea tsona. Lea e bona? Ho lokile. Lemohang, sepheo sa hae ke seo.

'Me joale o itlhophile, ka khetho ea hae e hloklosi, ea monyalua ea balileng tsebo ea hae, ua bona, ea ferefiloeng hohle ka thetso ea hae, ea meaho e moholo le ea malumeli a maholo a mabitso, le ka ferefe ea tsebo le ea thutamolimo, le ea bohlale le ea hlalefo, le ea thuto, ho thetsa lefatše lohle, le ho fetoha "molimo." O ntse hona hoo. Ntho eohle e habile sehlohlolo sa motho eo antikreste, ea seng a roesitsoe moqhaka oa "lenqosa la Molimo," ke monyalua oa hae ea ratang lefatše, ea hlohlieng mahlale, ea apereng ka makhethe a boikakaso ba bohlalefi, ba thuto ea borapeli. O hlohlioe borapeli o itšoanelia le eèna, le ka botoloki ba hae ba Lentsoe la Molimo kamoo a sebelitseng ho Eva, le joaloka mora oa hae Kaine.

Joale u itse, "Mora oa Satane?"

<sup>79</sup> Mpontše tulo e le 'ngoe kahara Bibele moo Kaine a kileng a reoa mora oa Adama. Bibele e mo bitsitse "mora oa e mobe," peō ea noha. Che, sekoahelo se tlositsoe joale, moena. Piramide e butsoe, kamoo tšenolo e supileng kateng.

<sup>80</sup> Lemohang seo a tlang ho se etsa, mehopolo ea hae. O hopotse Molimo a ahile bottleng ba lefatše. O entse hoo Leholimōng. Sebe ha sea qala tšimong ea Edene; se qalile Leholimōng, mohla Lusifere, mora mafube, a na ikakasa ka botle, 'me a batlile 'muso o fetisang oa Mikaele ka botle. 'Me a hopola Molimo a ahile ka botle.

<sup>81</sup> 'Me le lemohe Kaine. Keha a sa batle sehlabeledo sa mali. O theohile a hlahisa tholoana, kapa—kapa litšimo tse khabileng holima aletare ea hae. A tletse borapeli haholo, o entse tsohle, hoo, hantle feela joaleka Abele; a hlahisa sehlabeledo, ho itihela pela Molimo ho rapela, ka kutlo mokhoeng ohle, a mpa a se na tšenolo ea Lentsoe.

'Me Lentsoe, ho tloha tšimolohong, esale e le leano la Molimo. Empa Molimo o senotse, ka tšenolo, sona seo A se

netefalitseng a se chaeletse se nèpile. Hase borapeli, hase aletare, hase ho ingolisa le kereke, hase ho hlahisa sehlabelo, hase ho tšepeha; empa ka tsenolo ea Lentsoe la Molimo. Molimo oa mo senolela seo e tlang . . .

<sup>82</sup> 'Mè oa hae ha a ja apole eo a e filoeng ke noha, empa o phetse ka likamano tsa tonatšali le motho Satane, ka sebopeho sa sebata; e seng sehababi, empa se le bohlajana, se fetisa tshole tsa tšimo ka bohlale, ka sebopeho sa monna, eona feela ntho eo peō e neng e ka tsoakana le eona. Joale mahlale a leka ho mo fumana. 'Me ha e sa tla mo fumana, hobane lesapo ka leng 'meleng oa hae le fetotsoe. Empa Bibele e tlaheha joalo.

<sup>83</sup> Shebang seo thaka lena le tlang ho se etsa joale. Thaka lena, "O tla lula tempeleng ea Molimo," eona, ke kereke, "a ipontša e le Molimo." Joale ha le batla ho le bala, ke Bathessalonika ba Bobeli 2:3 le 4, le Tšenolo 13:4, 11 le 12; moo ho buileng, baporofeta ba babeli, Johanne le Pauluse, ka seo a tlang ho ba sona matsatsing a qetelo. Joale u e bale, hobane ke le ngotse mona. Empa ke . . . ho boloka nako joale.

<sup>84</sup> Letsatsi leo re phelang ho lona le bitsoa, kahara Bibele, "letsatsi la motho," letsatsi la motho. Lena hase letsatsi la Molimo. Molimo hase molimo oa lefatše lena; Bibele e Mo tlaleha e se eëna. Ke Molimo oa Leholimo. Empa lena hase letsatsi la Molimo.

Lena ke letsatsi la khetho. Koana, u ka phelela kajeno, 'me ua shoa; khetha Molimo, 'me u phele. 'Me Molimo ke Lentsoe, 'me Lentsoe ke Lentsoe le bonahalitsoeng bakeng sa hora le letsatsi.

<sup>85</sup> Lemohang, "letsatsi la motho." Ha le batla ho le ngola fatše, ke ne ke tla le bala. Empa ke Bakorinthe ba Pele 5:1-5 . . . Bakorinthe ba Pele 4:1-5, le ntsoarele, Bakorinthe ba Pele 4:1 le 5, e ne e le Pauluse ea buang ka ho ahloloa ke motho, letsatsing la motho.

<sup>86</sup> "Letsatsi leo, hobaneng u le bitsa letsatsi la motho?" u ka rialo. Ke letsatsi leo ho tlotlisoang mesebetsi ea tsebo ea motho.

Shebang taba ena, boiphaflo bohole ba makomonisi, motho ea lekang ho isa e mong khoeling. Molimo o leka ho isa motho Leholimöng. Ua bona? Empa le shebe kamoo ba sebelisang limilione le libilione le litrilione tsa didolara, boikitlaetsong bo nyopileng. Mohla ba fihlang mono, ba ke ke ba fumana letho. Molato keng ka bona?

Ha ke tsotelle khoeli ka letho. Ke batla ho feta khoeli ka potlako hoo ke sa tl'o e bona; ho lula ke nyolohela holimo koana. Ke batla ho feta Molala, ke tsoelepele, ho lula feela ke tsoelapele. E!

<sup>87</sup> 'Me lefatše kajeno le inehela tsebo e ttileng ka Satane. 'Me letsatsi la motho lea tlotlisoa, e seng ka Lentsoe la Molimo, empa ka tsebo eo a e ruileng.

Joale nahanang. E lumelleng ho thophothela. 'Me mohla u boelang u bapala teipi, holima ntlha ena mona, ema nakoana u nahane.

Mesebetsi ea hae e tlotlisoa holima Lentsoe la Molimo le ona mesebetsi e bonahalitsoeng; bohlale ba Satane, boo a bo fileng Eva qalong. Joale mamelang; le se fose sena. Bohlale ba Satane bo hloellisoa teroneng e rapeloang, ka ho motho, kaholima Lentsoe la Molimo le netefalitsoeng la hora. Likereke tsa rôna li paka hoo ka liseminare tsa bona—tsa bona, likolo tsa thupelo, tse ithutileng haholo ho feta kamoo Lentsoe la Molimo le tsebang ka Eona, ba nahanha joalo. 'Me mono, Ngaka *Sekete-kete*, le Moruti *Sekete-kete*, le Porofesa *Sekete-kete* ba tlotlisitse tsebo ea bona, e reiloeng (e tsoang ho Satane) 'nete, kaholima tsepiso e netefalitsoeng ea Molimo, e hlakisitsoeng hantle pel'a bona. 'Me batho ba e seôhela. Ua bona?

<sup>87</sup> Liphihlello tsa mahlale a hae, li leka ho kholisa Lentsoe la Molimo le fositse. E nahaneng feela. Èèna, ea hae, ke ho re, thutamolimo ea motho, e hhalosetsa batho Lentsoe la Molimo, 'me e boela e Le fetola ntho e se nang matla, joaloka mohla a ne a etsa mohla mongoaha oa bolumeli ba mokhatlo mohla Jesu a ne a hlaho lefatšeng. Jesu o itse, "Baikaketsi ting! Lona, ka moetlo oa lona," eo ke hhaloso ea bona, "le nkile Lentsoe la Molimo le Le fetotse ntho e se nang matla bathong." 'Me le kajeno ba entse hona hoo. Ha Le sa na matla.

<sup>88</sup> Lemohang, "Bona," batho, "ba mo phahamisa holima hohle ho bitsoang Molimo." Na Bathessalonika ba Bobeli ha a ba tlaleha ba tla etsa hoo? 'Me bolaoli ba kereke ea bolumeli ba mokhatlo, batho ba teng ba lumela bolumeli boo ba mokhatlo ho feta kamoo ba lumelang Molimo. 'Me Molimo ke Lentsoe. Ba lumela tumeloana ea bolumeli ba bona ba mokhatlo kaholima Lentsoe, etsoe "ke ho mo phahamisa holima hohle ho bitsoang Molimo." 'Me athe Molimo o mong feela, 'me èèna ke Lentsoe.

"Hohle ho bitsoang Molimo; hore joaleka Molimo a lule kahara kereke ea Molimo, a ipaka e le Molimo," kahobane o khonne ho etsa hore batho ba mo rapele. Molimo ke Lentsoe. 'Me o iphamisa holima hohle ho bitsoang Molimo. 'Me Molimo o mong feela, 'me Molimo oo ke Lentsoe. Ua bona? "Le hohle ho bitsoang Molimo," ke eona, molimo oa mongoaha o mobe ona o iphamisitse kaholima Lentsoe la Molimo la 'nete, le netefalitsoeng. Eo ke Mohalaleli Johanne 1. Ua bona? "Holima hohle ho bitsoang Molimo, hore joaloka Molimo a lule tempeleng ea Molimo," ka borena.

Shebang, ebile o rorisetsoa eona! Oh, lumella batho, Molimo, ho bona thetso eo! O rorisetsoa eona, 'me ehlile batho ba mongoaha o mobe ona ba e lumela ba tîle. Joale na le bona molimo le bahlanka ba oona ba mongoaha o mobe ona?

<sup>89</sup> Joale ha re shebeng ha e bonahatsoa. O re o ba etsetsa lefatše le molengoana ho phela ho lona, ka tsebo ea hae e thoko ho Lentsoe la Molimo le sa hholeheng. Empa ka ho teana ha hae, kahara malumeli a mabitso, le ka litumeloana, le ka hlalefo, le ka mahlale, le ka tse joalo, o etsetsa motho lefatše le molengoana ho phela ho lona, 'me ho nyemotsoa tsepiso ea Molimo, e reng nako e le 'ngoe eo lefatše le tla ba betere ho phela ho lona ke mohla Lilemo tse Sekete. Ua tseba, ho latela mohopoloo oa ka, o entse lefatše le molengoana ho etsa sebe ho lona sebakeng sa ho phela ho lona.

<sup>90</sup> Lemohang. Na o e entse? O lumeletse sebe semolao. O lumeletse ho noa wiski semolao, ho tsuba sakrete. 'Me kahara likereke, mosali o lumeletsoe semolao ho ba setho sa kereke, a ntse a kutile moriri hakhutšoane. Joale ako thole motsotsso feelsa.

<sup>91</sup> A ka apara lishotso, a tšasa ferefe, e ntse e le setho sa sehlopha sa borapeli ba hae, taba e leng khahlano le Lentsoe la Molimo. O re e itoketse. Na le bona tsebo ea hae? "Hoo ho amana kae le mosali?" Joaloka feelsa ka ho ja tholoana e thibetsoeng, kapa hase tholoana e thibetsoeng, ke eona taba. Molimo o itse e se etsoe, empa o a e etsa.

<sup>92</sup> 'Me o a mo khlooa, 'me o mo rata ka baka la eona. O hloile Molimo. Liketso tsa hae ke tsona tse mo pakang. O re o a Mo rata, empa o rata Satane. O rapela molimo oa feshene, molimo oa lefatše, molimotsana oa Hollywood. O a mo rata, empa o hloile Lentsoe la Molimo la 'nete, etsoe e le oona feelsa Molimo oa 'nete o leng teng.

E beiloe semolao ka kerekeng. "Ha ho kotsi ea letho. Basali ba rōna ba ka etsa *sena, sane*, kapa se *seng*." Empa ka pela Sefahleho sa Molimo o phelang, ha a lumelloa le ho ema, haese ha a baka.

<sup>93</sup> Ua bona, ke molimo oa lefatše le letle, ke eëna. O batla ho shebeha hantle. 'Me ke molimo oa botle, ho tloha tšimolohong. A ka khona, 'me o sibolotse ka tsebo ea hae ea mahlale le ka materiale, ho mo etsetsa botle, mongoaha ona oa papiso...mongoaha ona oa sejoale, ke rialo, oa bobe. O entsoe botle.

<sup>94</sup> Lemohang. Taba ena e hloka ho eloa hloko. Tšimolohong, Setha le bana ba hae ha ba ka ba sala mahlale a saense morao.

Joale re tlil'o bua ka mahlale a saense metsotso e 'maloa. Ha nka bua sena, hase boitatolo ba ho hloka thuto ha ka; empa, sehlopha sa lithoto, ntho efe e latolang Lentsoe la Molimo. Ua bona? Ehlide.

E hloka ho eloa hloko. E shebeng. Bana ba Setha ha ba latela tsela ea mahlale a saense. E ne e le balisa ba ikokobelitseng, borapolasi, le ba joalo.

Empa bana ba Kaine ba entse hoo. Hobaneng? Ba ne ba susumelitsoe ke ntata bona, liabolosi. Kaine, ea susumelitsoeng ke ntatae, liabolosi, 'me bana ba susumelitsoe ke peō eo e theohang.

<sup>95</sup> Shebang peō ea Molimo ha e theoha ka mongoaha o mong le o mong, 'me le shebe moo e habileng teng kajeno. Bakreste, Bakreste ba makhonthe, ha ba tsotelle patlisiso ea mahlale le linyee tseo. Che. Motsotso feela, re tla kena ho eona.

Empa ba Kaine ba entse hoo, ba futsitse ntata bona, liabolosi, ea hlohliloeng tsebo ea lefatše, botle, le mahlale a saense, le lintho tseo. Bana ba Kaine ba ne ba hlohliloe mahlale a saense. Ba ne ba rutehile. E le baletsi ba liletsa tsa 'mino—'mino; Elvis Presley oa sejaole, nyee ena e kang e lumelloang ke lekhotala la sekolo holimo mona tseleng Moqebelo o mong le o mong bosiu. Lihahi tsa motse, ba ntlaufatsa basali ho ba lakatsa, liabolosi ke eèna ea fang basali ferefe, 'me o ba kuta moriri, 'me o ba apesa lishotso, le lintho tse kang tseo. Bao, ke bakeng sa litakatso tsa hae tse litšila. E hlile e bataletse, empa ha ke tsebe ho e bua ka mokhoa o mong.

<sup>96</sup> Joale, re tseba evangeli ea Satane e le evangeli ea mahlale a saense le khatelopele. O e rerile Edene; ha se Molimo; Satane o entse hoo, mahlale saense ea khatelopele. Mahlale a saense le khathelopele ke evangeli ea Satane. Shebang moo a re isitseng teng kajeno, ka eona. Ua bona?

<sup>97</sup> Lemohang, o e rerile Edene, ho mang? Ho monyaluoa oa Adama. 'Me ea mo hapa. A mo thetsa ho belaela le leng la Mantsoe a Molimo. Ha re shebeng seo mohlomong a se buileng. O tšoanetse a be a itse, "Ho shoa ha ho lumelane le mahlale a saense, ka kerekeng ena e halalelang." Kapa, "U tla rupelloa 'me u rutehe, ho se lumele lintho tse se nang mabaka joaloka lefu. Ha ke tsotelle le haeba Lentsoe la Molimo le e buile; e hloka mabaka."

<sup>98</sup> Oh, mo shebeng kajeno. "Molimo ke Molimo o lokileng. U kahara kereke ea Hae e halalelang; khele, u ke ke ua shoa." Empa Molimo o itse u tla etsa joalo, 'me ke phetho. Lea 'mona kajeno? "Oh, ingolise kerekeng feela. Ha se ka seo u se etsang, kapa *sena, sane*, kapa se *seng*. Tloo kerekeng feela u be setho se lokileng. Ho kuta moriri oa hao, ke masaoana. Le ho tena lishotso, le ho tlola ferefe, le ho tsamaea litantše, le ho noa biri hang ka nako, e ke ke ea u lematsa, ha feela u sa inehela eona. Bonneteng, ekare lona bana le ka enoa, ba tle ithute haeba ba e rata kapa che." Ke eo mono, molimo oa mongoaha ona, mongoaha o mobe ona.

<sup>99</sup> "Molimo ke Molimo o lokileng." Ke e utloile khafetsa ebile e a nkulisa. Molimo ke Molimo oa toka hape. Hase ntate moholo oa khale ea bonolo ea hulangoang, 'me litlholo tsa Hae ha li na sebe. Ke Molimo oa toka le oa khalalelo. O e

pakile tšimong ea Edene, ka bana ba Hae ba pele. Ha u tšela mola oo, le leng la Mantsoe a Hae, u ea shoeleng. Le kajeno e sa sebetsa.

<sup>100</sup> 'Me le lemohe, o rerile evangeli ea mahlale a mofuta oo, ea bochaba, ea thuto, ea khatelopele ho Eva, eaba monyaluoaa Adama o a e lumela. 'Me o atlehile ho tlatsa monyaluoaa ea bitsoang oa Kreste, kereke ea Adama oa Bobeli, ka likhang tsona tseo. Ke hantle.

<sup>101</sup> "Oh, hase eona—hase mokhoa oa Molimo; Molimo o lokile haholo ho e etsa. Khele, ha u ka tsamaea kereke feela. 'Ha u lumela.'" Liabolosi o a lumela; ha se moipehi-tumelo, empa o hlile o a lumela. Ha a pholosoa. "'Ha u lumela.'" Huh!

<sup>102</sup> O joetsa monyaluoaa bobeli, kapa Monyaluoaa Adama oa Bobeli, sona seo a se boleletseng oa pele. Ntho e kang, "Joale, pholiso ea Khalalelo, ha ho ntho e joalo. Re ka e paka. Khang eo ha eso pakoe le hang." "Le kolobetso ena ea Lebitso la Jesu, joale na ha le lemohe hobane ke behiloe boholong ba kereke?" o rialo. "Re e batalalitse Nicaea, Roma," mohla meea e merarō eo e sa hloekang e ne e tsoa ho drakone, baporofeta ba bohata, le ba joalo. "Re lumela botriniti ba Melimo." Oh, jo 'na! Ke bohetene bo feteletseng. U se leke ho tla ema pel'a Molimo ka ntho e kang eo, ho leka ho ema ka pel'a Sefahleho sa Hae. "Oh, ha ho phapang leha u kolobelitsoe ka maemeli a 'Ntate, Mora, Moea o Halalelang." E etsa phapang efe?"

<sup>103</sup> E entse phapang e khōlō haholo, hofihlela Pauluse a laetse sehlopha sa Mabaptise ho kolobetsoa bocha ka Lebitso la Jesu Kreste pele Moea o Halalelang o theohela ho bona. Ebile e susumelitse moapostola ho hooeletsa, a re, "Ekare ha lengeloi le tsoang Leholidōng le bolela ntho eseles, le rohakoe." Ehlide, e etsa phapang. Oh, khili!

<sup>104</sup> "Matsatsing ana ha ho ntho e kang kolobetso ea Moea o Halalelang. E ne e etselitsoe baapostola ba inotši. E fetile. Le ntho e kang baporofeta? Ebile ha e tsejoe. Mehlolo? Ha e lumelane le mahlale a saense. Malakia 4? O ne a reretsoe mongoaha o mong. Johanne 14:12? Oh, Jesu o ne a hlile a sa rialo. Luka 17:30? Oh, e ne e mpa e le tabakhopolo feela. Ua bona, ke—ke botoloki bo phoso; ha e hlahe ho ea mantlha." Lithole tse joalo!

Athe Molimo o Matlaohle o theohela hara rōna a e paka. Ha A bua, a re, "Jesu Kreste esale eēna maobane, kajeno, le kamehla," O e paka joalo. Ha ke tsotelle seo mang a se hanang ka eona; Molimo o toloka Lentsoe la Hae ka Sebele. O itse O tla etsa ntho ena matsatsing a qetelo. "Leseli le tla chaba nakong ea mantsiboea." 'Me Leseli ke leo, bakeng sa ponahatso ea Mora oa Molimo.

<sup>105</sup> Lona letsatsi le chabang bochabela ke lona letsatsi le likelang bophirima. Moporofeta o itse, "Letsatsi lea tla le ke

keng la bitsoa motšeħare kapa bosiu.” Le rothofete, ‘me maru, a thibile letsatsi. Empa ho itsoe, “Leseli le tla boela le chaba nakong ea mantsiboea.” Eèna Mora eo! Ke Alfa le Omega. Eèna Mora ea hlahileng bochabela o lepiloe ho boela a hlaha bophirima, matsatsing a qetelo, pejana letsatsi le likela. Ha ke khone ho Le toloka; Molimo o toloka Lentsoe la Oona ka Sebele. O a Le paka. Ena ke nako ea mantsiboea.

<sup>106</sup> Ho a haula, empa ruri e boetse e mo hapile. E boetse e hapile monyaluoa oa Kreste, ‘me o amohetse tsebo ea bohlalefi ba moreri ea itseng oa seminare sebakeng sa ho lumela Lentsoe la Molimo le hloekileng, le netefalitsoeng.

<sup>107</sup> Joale lona bareri ba kantle koana naheng hohle moo le leng teng, le ka hanyetsa taba Ena. Ha ke le utloise bohloko. Ke mpa ke lek-... Ke bua le sehlopha sa ka. Ke mpa ke leka... Ha u batla ho lula kahare, ruri ke tla thaba ha u E utloile. ‘Me u boele o E mamele. Ua bona? Ke mpa ke ba bolella seo ba seng—seo ba seng ba se bone, le ho ba supisa sona; Molimo o e paka, ho re e nèpahetse. Ua bona?

Ena ke eona hora. Ha Le hloke ho tolokoa ke motho. Tsebo ea hao ea lefatše ha e amane le eona ka... Ekaba o thotse B.A., D.D., A.D., e ka bang eng; ha e bolele ntho le e 'ngoe. Molimo o toloka Lentsoe la Oona, ka Sebele. O e tsepisitse, ‘me ke ena moo e leng teng.

<sup>108</sup> Empa ka tsebo ea seminare, therò ea bolumeli ba mokhatlo, “e entse hore lefatše lohle le makale ka baka la sebata seo leqeba la sona le bolaeang le ileng la fola,” ho tloha boheteneng ho ea ho mopapa. Na le bona moo le habileng teng? Lea e lumela. Le lumela tsebo eo a le bolellang eona.

<sup>109</sup> Ke eona, joale shebang, banyaluoa ba babeli ba beeelitsoeng ba lumetse tsebo ea Satane khahlano le Lentsoe la Molimo. Monyaluoa oa Adama o lumetse tsebo ea Satane khahlano le Lentsoe la Molimo, le monyaluoa oa Kreste o lumetse tsebo ea Satane, mongoaheng ona o mobe oa bohlalefi, khahlano le Lentsoe la Molimo.

‘Me le lemohe. Eva, ka tlhaho, o e lumetse, ‘me a lihela morabe ohle oa motho lefung. Monyaluoa oa tlhaho! Adama, monna oa tlhaho oa lefatše; monyaluoa oa hae, le pele a fihla ho eëna, ho ba mosali, o lihetse morabe ohle oa batho lefung. Ebang e lumellana le mahlale a saense kapa che, re shoa ka ho tsoana, hobane Molimo o re tlalehile re tla etsa joalo.

Leha u ka ba kahara Edene e halalelang, kapa kereke e halalelang, kapa bolumeli bo halalelang ba mokhatlo, kapa e ka bang eng, u tla shoa mohla u sa lumeleng Lentsoe le le leng la Molimo e le 'Nete, ka nako ha u Le netefaletsoa u le kholisetsoa. Ke mohla u ikarolang ho Molimo. Hase polelo eohle; Lentsoe le le leng. “Ekare ha e mong a eketsa lentsoe le le leng, kapa a tlosa le le Leng,” u tla shoa ka letsatsi leo.

<sup>110</sup> Lemohang, monyaluoa oa Adama o hlahiselitse morabe oa hae lefu la tlhaho, morabe oa batho.

Le monyaluoa oa Adama oa Bobeli, monyaluoa ea beeletsoeng oa Kreste, o lihetse kereke eohle lefung la bolumeli ba mokhatlo, ho amohela letšao la sebata, mahlale a saense, ea bohlalefi, ea malumeli a maholo a mekhatlo. “Rōna re Mabaptise. Rōna re Presbeteriene. Rōna re Mapentekosta,” le lilo tse joalo. “Re na le *sena*, ‘me re ruile thepa e ngata. Rōna, re hlomphuoa ke ‘muso. Re ikalile lefatše ka bophara,” le lintho tseo tsohle tse joalo. “Me ba khabane, le ramotse, le ba joalo, ba kena ho rōna. Esita le Presidente o tloaetse ho tla ja ‘misa le rōna, ‘me re kenela *sena, sane*, kapa se *seng*.” Lefatše lohle le sohlomelitsoe lefung la semoea, la bolumeli ba mokhatlo; kereke eohle. E shoele!

U re, “U hlile u khatha tema e ngata.”

<sup>111</sup> Jesu o itse, “Joaloka matsatsing a Nooe, ha ho bolokehile meeaa e robeli, ho tla ba joalo ho khutleng ha Mora motho.” “Matsatsing a Lota, Sodoma ho ntšitsoe ba bararo, ka letsatsi leo...” Joale sehlopha se teng se seng se tsoile, le hopole. “Empa, joaloka mohlang oo, mohla Mora motho a tla bonahatsoa.” Shebang ke letsatsi la mofuta mong, shebang moo re phelang teng!

<sup>112</sup> Joale tlasa hae lefatše lohle le amohetse boëtapele ba saense ba lenaneo la thupello eo Satane a mo fileng eona tlasa lebitso la kereke, boëtapele ba lenaneo la thupello, la mahlale a saense. Ke ntse ke le takela molimo oa lefatše lena.

Athe eëna, joaleka Eva, o ne a tšoere botlalo ba Lentsoe la Molimo letsohong la hae, a ka be a nkile Lentsoe la Molimo. Empa a etsa'ng ka Hoo? Sebakeng sa ho emela kolobetso ea Moea o Halalelang, o lumeletse mahlale a saense ho mo kholisa hore Moea o Halalelang o ne o etselitsoe barutuaa feela.

Ho ena le ho baballa khato ea pholiso ea Khalalelo, athe joale o ne a tlamehile a be a tsosa bafu a etsa mehlolohali; o lumeletse Satane, tlasa boëtapele ba hae ba monna ea hlohlieloeng borapeli, ho tšoara Lentsoe la Molimo le ho leka ho Le tlaleha le ne le baletsoe mongoaha o mong. ‘Me o e lumetse.

<sup>113</sup> Athe, Bibebe e itse, “Lintho tseo Ke li etsang le lona le tla li etsa.” Jesu o itsalo. “E-eang ka lefatše lohle le bolelle ‘mopuoa e mong le e mong Evangelii.” Re sa ntse re le babopuoa. “Mehlolo ena e tla tsamaea le molumeli ka mong oa bao.” O latola karoloana ka ’ngoe ea Lona.

<sup>114</sup> O hana mehlolo eohle, ‘me o E fapanyleitse ka kutloisiso ea hlalefo ea hae ea Bibebe; moo baprista, le bontate ba halalelang, ba bitsoang joalo, moo libishopo, liarekabishopo, moo balaoli ba mabatooa, baokameli ba akaretsang, le ba joalo, ba itoloketseng Lona. ‘Me Molimo o ba siile, ba lutse mono, ba shoele sa khitla ea bosiu.

Mesaletsa ea matsatsi a qetelo ke seholtošana sa Mapentekosta a pheulang 'mino oa motonana ka bokhoni ba matla a bona, ba mathela holimo-le-tlase lifulurung, ba bua ka lipuo 'me ba hooeletsa, "athe ke ba nang le sebopaho sa borapeli, ba mpa ba latola Lentsoe la jona." Ba bolelle ho kolobetsoa ka Lebitso la Jesu Kreste; ba u tšeja sefahlamahlo. Empa, hoo, Molimo o tsoelapele ho nèpahatsa ka ho tšoana, ho kholisa hore Lentsoe la Oona le ituletsjoalo.

<sup>115</sup> Lemohang, sefate seo Satane a se jesitseng Eva, e ne e le "sefate sa botle le bobe." E ne e le sefate se tsoakaneng.

Joale shebang letsatsi leo re phelang ho lona, mohla A bitsang Monyaluoa. O na le kereke e itlalehang e etsa botle, athe e khopo, ka ho latola Lentsoe. Sefate se tsoakiloeng. Oh, hela, "Ba—ba theile lisosaiti tse khôlô. Ba—ba—ba—ba thusa sena. Ebile Sefapano se Sefubelu sea e chaella. 'Me likolo tsohle, ba... Sheba mona!"

Oh, empa ke ho latola Lentsoe le le leng feela, ke phetho seo u tlamehang ho se etsa ho shoa; ho sa tsotelloe bokae ba hlalefo, le kamoo e lokileng. Jesu o itse, "Tomoso e nyenyane e hohomosa llama eohle." Thojana e le 'ngoe ea tomoso e senya llama eohle. Lentsoe le le leng la Molimo, le beiloeng ka phoso, le senya Setšantšo sohle. Le reng haeba sephaka sa ka se hломилoe litulong tsa leoto la ka? Ua bona? Le reng haeba tsebe ea ka e hломилoe tlase mona litulong tsa letsoho la ka? "Tomoso e nyenyane e hohomosa llama eohle."

Ho re, "U tseba joang haeba Le lokile?" Molimo o Le paka le lokile. O a Le netefatsa. O E buile mona Lentsoeng, 'me A ntano Le kholisa. Re tseba joalo hore Le lokile kapa che.

Ho shoa ho hlahisoa ke ho hana Lentsoe le le leng feela. Le hlahisitse litholoana tseo mongoaheng o mobe ona, lefu la semoea, lefu la nama le lona le kene joalo morabeng ohle oa batho.

<sup>116</sup> Lemoha kamoo Satane a tataisitseng mongoaha oo oa saense morao mono, oa Nooe, ho itšetleha ka hlalefo ea bona. Huh! Bibele e a re bolella, ho Liproverbia, "U se ke ua itšetleha ka hlalefo ea hao." 'Me, "Lentsoe la motho e be leshano, 'me la Molimo ebe 'nête." Empa Satane, ka tsebo ea hae, ho qala tšimong ea Edene, o tataisitse batho ho itšetleha ka hlalefo ea bona. 'Me, u a tseba, ka litšibollo tsa hae tse khôlô tsa Max Faxtor morao mono, o ntlafalitse basali hofihlela bara ba motho...bara ba Molimo, ke rialo, ba ba ba oela sebeng ba ba nyala. Hantle. Eèna...Basali keha ba le batle hona, ba khahleha.

<sup>117</sup> Joale nka mosali ea pala oa seterata kajeno. Bongata ba lona le balile pale; ha lea e utloa, kaha e hlahile pele ho mehla ea ka. Pearl O'Brien, ba utloetseng ka eèna ba bakae? Ehlide. Ho thoe e ne e le mosali ea motle ka ho fetisa lefatšeng. Khele,

ha ho ngoanana ea kenang sekolo kajeno ea sa mo feteng habeli ka botle. Hobaneng ho le joalo? Botle ba basali bo tlameha ho hlaha matsatsing a qetelo.

Ba poma moriri oa bona. Ba ba apesa mesana ea bananyana. Ba apara lishotso, le libikini, hore le e bitsang, ho ba apesa. Ba tšasa ferefe, le phafo, le lilo tsena tsohle tsa mefuta, ho ba fetola mafosisa. Ua bona? Empa hona ba ho finyeletse ka tsebo ea saense. Na le tsebile hobane litjeho tsa littolo tsa basali, li phahame ho feta, mona Linaheng tse Kopaneng, habeli kapa hararo, ho feta litjeho tsa lijo tseo re phelang ka tsona? Ako e pake, ke hantle, bakeng sa littolo.

<sup>118</sup> Lemohang, “Bara ba Molimo ba bona barali ba batho,” e seng barali ba Molimo, “barali ba batho, hore ba batle,” ea lihela bara ba Molimo thetsong ena. “Ba nka basali ba mofuta oo ba ba nyala,” ’me ea hlahaha mongoaha oa bootsoa, joaloka kajeno; joaloka Sodoma, kamoo e boletsoeng e tla hlaha kajeno.

Hoo, mohla banna le basali ba alimanang ka balekane ba bona. Haeba ba sa rate molekane enoa, ba—ba chakela Reno, Nevada, ’me ba nyale; ’me, kapa ba hlale, eo, ’me ba boeile ba nyale metsotsong e leshome le metso e mehlano. ’Me botle ba basali bo batla bo hlola boiphapanyo. ’Me ke’ng? Liabolosi! Na le bona Satane ea ntseng ahile ka botle? Lemohang.

<sup>119</sup> Lemohang, sebe seo ha sea ka sa tšoareloa bona le ka mohla. Botle boo, mongoaha oa saense ke ona mongoaha o mobe oo Molimo a neng a o falatse holima lefatše; mongoaha o motle oo, oa mahlale a saense. Jesu o itse o tla boela o hlaha pele Mora motho a khutla. Ho joalo? Lemohang, Jesu o itse, “Joaloka matsatsing a Nooe, ho tla ba joalo ho tleng ha Mora motho,” mohla bohole ba neng ba leka ho nyala... Joale shebang, “Bara ba Molimo ba nyetse barali ba batle ba batho,” ’me Molimo ha o a hlola o ba tšoaretse eona.

<sup>120</sup> Joaloka thuto ea Baalame feela, ea chochileng basali ba batle, ba bohlale, ba topetsoeng saense ba Moabe ho...ka mahlo a bona a bonyang, ka liferefef tsa bona le liphofshoana, liphefume tse monate tsa hae, ho eka bara ba Molimo; papisong le basali ba bona ba likhoothali ba tsoileng matsoabali matsohong, ba sa tlola meikapo. Ba ba ekile, ’me, “Re ka nyallana, kaha bohole re le batho ba le bang.” E ne e le leshano! E ne e le—e le leshano, ’me e le tšibollo ea liabolosi, ho ngoka bara ba Molimo ho nyala e—e barali ba batho.

E ne e le leshano la liabolosi, ho Baalame, moperofeta eo oa leshano, ho leka ho porofeta khahlano le Moshe ea lekileng ho bopa morabe oo ’moho; ho re, “Be, re lumela Molimo o le mong. Re nyehela linyehelo li le ling. Lihlabelo tsa rōna lia tšoana. Tšebetso tsa rōna tsohle lia itšoanel.”

"E bapile ho ka thetsa le eèna Mokhethoa hola ke ntho e ka etsoang." Ua bona? [Sekheo lebanteng—Mong.] Tlohang ho eèna, lona batho! Ha le amane le eèna ka letho!

<sup>121</sup> Lemohang, lekhale Molimo o ne o sa tlo tolokela moloko o mobe oo oa Kaine Lentsoe la Hae. Che. Molimo o ke ke oa ba tolokela Lentsoe la Oona. Lemohang...[Sekheo lebanteng—Mong.]

Molimo, tsebo ho ntlafatsa lefatše hakana 'me le hlohliloe mahlale a saense le tletse sebe, hoo A bileng a tlameha ho le timetsa? Na Molimo a ka etsa hoo, a ntlafatse lefatše hakana; shebang mona, Molimo o ntlafatsang barali ba Hae hakana, a ba apese ho chachehisa nama, hofihlela bara ba Hae ba ba lakatsa 'me ba febe? Eng? Na ebe Molimo a ka etsa hoo?

Sehlopha se hlobotseng sena, se tsotseng sa Malaodisea, se rapelang molimo oa lefatše lena, ka meralo ea bona, le ka thuto, le ka masene, le ka botle! "Tlohang ho eèna," Bibebe e itsalo, "le se kenelle libe tsa hae, le se amohele litlokotsi tsa hae." Ka tsatsi le leng Molimo o tla nesa sefako libakeng, sekaka se le seng se etsa liponto tse lekholo, 'me o tla mo timetsa ka ho mo tlapunya ka majoe; Lentsoe la Hae le Mo tlalehile a entse joalo kamehla, melao ea Hae.

Be, efèla holane Molimo oa etsa hoo, oa senolela batho ba joalo Lentsoe la Oona, ekabe'ba—ekabe'ba O Itoantsa ka Sebele. Molimo ha o sethoto. Ke seliba sa bohlale bohle.

Ka hona na le bona moo nyee eo e kopotsang teng? E tsoa ho Satane, le joale esale ea Satane. 'Me kereke e e lumetse.

<sup>122</sup> Joale na lea bona, basali, ke leka ka bokhoni ba ka ho le supisa Lentsoe la Molimo. Bibebe e itse, "Mosali ha a kuta moriri oa hae, o tlotlolla hlooho ea hae," e leng monna oa hae. 'Me monna oa hae ke hlooho, le Molimo 'moho, ka hona o tlotlolla Molimo le monna oa hae.

<sup>123</sup> Joale hoo supa hore na hlooho ea tsamaiso ena ea kereke ea lefatše ke mang. E supa hlooho ea eona. Ke Satane, ka sebopinho sa monna oa senatla, motho oa tsebo, tsebo e qahameng. O tseba ho feta bao bohle. Ho sa tsotelehe seo Lentsoe le se buang, o—o itolokela Lona, ua bona, botoloki ba mongoaha o mobe ona.

<sup>124</sup> Lemohang merero ea hae ke ho haha kereke ea senatla ea mokhatlo oa bolumeli, Mokhatlo oa Likereke tsa Lefatše, ua bona, bolumeli ba senatla, hore lefatše lohle le tle le mo rapele, sebata, tlasa lebitso la Bokreste bo matahaneng. Na le ka rata ho e bala kahara Bibebe? Tsenolo 13:6 le 8. Ke tora ea Babele ea sejoale.

<sup>125</sup> Ha le hopole kamoo Nimrode, moikaketsi eo, a hahileng torahali ena 'me a qobella metsana eohle ho lebisa tlotla ho oona? Babble le Babele ke ntho e le 'ngoe. Feel a fetola

mabitso, le joalo, ha e ntse e nyoloha. Eona, Roma ke Babilona joale. 'Me lefatše lohle le isoa Babilona, 'me le sotetsoa ka Mokhatlo oa Likereke tsa Lefatše o tla etsa hore bohle ba mo rapele. 'Me le amohetse letšoao la sebata, le sa tsebe seo le neng le se etsa. Hobane...

Empa ba khethiloeng ba tla utloa Lentsoe 'me ba tla tsoa ho eona.

<sup>126</sup> Mokhatlo oa bolumeli o fapane hakakang le Lentsoe la Molimo! Ha A eso thee o mong, ha a eso sebetse kahara o mong, 'me ha a eso sebetse 'moho le o mong. Ke batla rahistori ea ka ntšupisang moporofeta ea kileng a tsoa kerekeng. Mpontše moo Molimo o kileng oa hlohonolofatsa kereke e neng e...ka mora ho hlophisoa ha eona. E ile ea hlaoleloa shelfeng 'me ea shoa, ka bohlale ba hlalefo e tsoang ho liabolosi, ea baetapele ba bona, 'me ba hanne Lentsoe la Molimo mohla Le ne le hola le fetoha seemo se phethahetseng sa Kreste. Joale e fihlike seholhololong. E fapane hakakang!

Ikaroleng ho Eva eo ea sa lumeleng, lona bana ba Leseli la mantsiboea!

<sup>127</sup> Satane, molimo oa mongoaha ona, ka tsebo ea hae, o jesa batho sefate sa hae se tsoakaneng sa botle le bobe. Lemohang, Satane, ka tsebo ea hae, o jesa batho ba mongoaha o mobe ona sefate sa hae sa botle le bobe. O itlaleha a haha tsoelopele e khōlōanyane ea Bokreste, ka tsebo ea hae ea botle le bobe, tsoelopele e khōlō ea Bokreste.

<sup>128</sup> Empa Moroetsana e monyenyanee oa Kreste, Lentsoe, Mohlape, Monyaluo, o nyemotsa tsebo ea hae. O ipoloka, eēna, a lokolohile ho eēna. Ebe ke'ng...Joale ha re bueng ka Eēna, motsotso. O emela Morena oa Hae le hanimunu ea Hae ea Lilemo tse Sekete, hantle, le Lentsoe Monyal 'moho, kaha E le Lentsoe Monyaluo.

<sup>129</sup> Tsebo le tsoelopele, le Bokreste ba makhonthe, ha lia kopanelia letho. Tsoelopele, le Bokreste ba makhonthe, ha lia kopanelia le ntho le e 'ngoe.

Tsoelopele e tlie ka tsebo. Bohle re tseba hoo. 'Me tsebo e tsoa Edene, e pakiloe, ka seo a se rerileng Edene. 'Me tsebo e hlahisa lefu. Na ho joalo? Lefu le tlie kang tšimong ea Edene? Tsebo. Empa e ke ke ea eba ea Molimo, ka baka leo ke ea liabolosi. Shuu, e ne e hlabosa bo! Tsebo, mahlale a saense, thuto, ke tšita e khōlō eo Molimo o kileng oa e fumana. Ke ea liabolosi.

Joale ke sa tla fumana mangolo a 'maloa mabapi le hoo, kea tseba. Kea emetse.

<sup>130</sup> Shebang moo moetlo o re kentseng teng. Ua bona? Shebang seo o se entseng. Re hokae? Re itšetlehile ka lintho tseo, ka kutloisiso ea rōna ka saene ea rōna.

U re, “U reng ka Molimo, u hopola hobane ha A tsotelle?”  
Oh, che.

Molimo o tla thea tsoelopele ea mofuta oa Hae ka Sebele holima lefatše, mohla A tla laola. Lena ke lefatše la Satane; hona joale ke molimo oa lefatše la hae la joale la tsebo ea mahlale. Empa Molimo o tla thea tsoelopele ea mofuta oa Hae ka Sebele. E ke ke ea tšoana le tsoelopele ena. Le mpe le hopole. E ke ke ea tšoana le tsoelopele ea rōna ea kajeno. Che, che. E tla theoa ho latela Lentsoe la Hae le morero oa Hae. Hobane, molimo oa mongoaha o mobe ona oa joale o tla timetsoa, le 'muso oa hae 'moho le eèna.

<sup>131</sup> Mongoaha ona oa sejoale o ratang tsebo o ke ke oa fumana moetaapele ea molengoana ho feta eo ba mo fumaneng, Satane, mokhapamisi oa Lentsoe la Molimo, kamoo a qalileng tšimong ea Edene, empa motho ea tletseng borapeli ea itšepang hlalefo ea hae.

Kamoo ke buileng pele, Liproverbia 3:5, ho thoe, “Re se ke ra itšepa hlalefo ea rōna.”

Ba tšoanetse ho fumana molimo, hobane ke bana ba batho. Koana, o ba etsa seo ba se batlang. Joaloka ngoana motho, kamehla, bana bohle batho... Mohla re ne re fihla mona, re fumane esita le Maindia a rapela lisèto, le letsatsi, le ntho eohle. Joaloka ngoana motho, ba tšoanelia ho fumana molimo. Le mongoaha o moholo ona oa hlalefo eka khona o fumane molimo, ka baka leo e fetoha... Molimo oa lefatše lena e-ba tsebo, bolumeli ba mekhatlo, mahlale a saense, “ba nang le sebopheho sa borapeli, ba mpa ba latola Matla a jona.”

<sup>132</sup> Lemohang, molimo oa bona o ba fetola seo ba se batlang. Ba lakatsa nama, o ba nea eona. “Ba batla ho apara libikini. Ba tlohele ba li apare. Ua bona? Haeba ba batla ho etsa *sena kapa sane*, ba tlohele ba se etse. Ha ho kotsi ho eona; ba tsamaea kereke. ‘Mè oa bona e ne e le Methodise, Baptise, Pentekosta, Presbeteriene. Ba tloheleng feela.’”

Ke oo molimo oa mongoaha ona; masene, bohlale, mahlale a saense. Ha o hloke tumelo. Ha o a hloke ho paka letho. Le se le pakiloe, ka tsebo ea bona. “Be, re kereke e khôlôhali motseng,” tsebo ea bona. “Moruti oa rōna o apere D.D., Ph.D.” Ua bona, ha e hloke tumelo ea letho; e itšetlehile ka tšebo. Ba tlohele ho iphelela ka mokhoa ofe, ha feela ba tlie ho mo rapela ka bolumeli ba mokhatlo oa bona le ka tumeloana. Leihlo le leholo le letšo ke leo, empa ako le shebe.

Ho tšeja Lentsoe la Molimo, ho bua lintho tse thulanang le Lentsoe; le ho leka, ka tsebo ea bona, ho paka ka mahlale a saense ho thoe Lentsoe ha lea loka. Oh, re phela mongoaheng o mokakang! Na le bona molimo oa mongoaha oo?

<sup>133</sup> Lemohang, empa Molimo o emetse hore bokhopo ba Baamore bana ba sejoale bo tlale. Le se tšoenyehe, O tla be a

hlophile Moshe oa Hae nakong eo. Exoda e tla fihla, tsatsi le leng, e eang lefatšeng la pallo. Moshe o tla fihla, ea tla hlaba mokhosi, “ho busetsa Tumelo ea bana ho bontate.” E tla fihla, le leng la matsatsi ana. Na . . .

U re, “Be, ako shebe khatelopele ea rōna e kakang.”

Ehlide, bokhopo ba Baamore ha bo ea so tl’o tlale. Bo tla tlala, ka le leng la matsatsi ana. Ba tloheleng ba itimetse.

<sup>134</sup> Tsoelopele, tsebo, li khopamisa Lentsoe la Molimo ho kholisa tatso ea bona. Bolumeli bohole ba mokhatlo bo etsa hona hoo. Ka hona Satane o rera evangeli ea hae ea tsebo kahara kereke ea hae ka sebele.

<sup>135</sup> Ho buuoa ka lihlopha tse peli feela tsa batho kahara Testamente e Ncha. “Bana ba Molimo, le bana ba liabolosi.” Na le tsebile taba eo? Na le batla ho ngola Lengolo la eona? Johanne oa Pele 3:10, ha u batla Lengolo. Ke ntse ke e bala hantle mona, ke e ngotse fatše. Ho lokile. Ho lokile.

<sup>136</sup> Ho Baefese 2:2, ba bitsoa, “Bana ba ho se lumele.” Joaloka Eva mohlang oo, ka ho se lumele Lentsoe la Molimo. Bana ba lumelang, le ba ho se lumele, ha ba amane ka letho.

Ebe Monyaluoia oa Kreste a ka ikamanya joang le bolumeli ba mokhatlo, athe e mong ke oa ho se lumele le e mong ke ea lumelang? E mong, e be Lentsoe; ’me e mong, ebe lentsoe le khopameng? Seotsoa le mosali ea hloekileng ba ka tsamaea joang ka tumellano? Ba ke ke ba khona. Ha ba amane ka letho. “Tlohang ho bona!” Ke ea liabolosi. Ke letšoao la sebata. Ba habile ho lona hona joale; malumeli ohle a mekhatlo. Ha ke tsotelle na ke bomang.

Molimo o a khetha, ha o khethe mokhatlo oa bolumeli, “batho bakeng sa Lebitso la Hae.” Mokhatlo oa bolumeli o ke ke oa amohela Linnete tsena. E tla qosa motho ea tla bona Molimo ka bomong, ea tla talima Lentsoe la Hae a le Le lumela, ’me e se setho sa mokhatlo o hlophiloeng; a mpa a phelela Molimo, e seng mokhatlo oa hae, hlalefo e itseng ea bohlale ba bishopo kapa e rutiloeng ke hore ho itseng. Ke hantle.

<sup>137</sup> Bana ba ho se lumele, le bana ba lumelang, ha ba amane ka letho. E mong ke oa . . . ke oa Leseli la letsatsi; e mong eèna, ke oa lefifi la bosiu, mongoaha o mobe, mongoaha o mobe ona oa lefifi, naetetlepala, litantše, e ntse e le setho sa kereke. Ho itoketse ho molimo oa bona. Ha ba ahloloe ke letho; ha ba khathatsoe ke letho.

“Khele, ho kuta moriri ha ho nkahlolle,” mosali o itsalo. “Letsoalo la ka ha le nkahlolle.” Ha a na letsoalo sa noha e se nang linōka. Ke hantle. Ruri lekhale. Ha a tsebe seo letsoalo le leng sona. Le chesitsoe habohloko ebile ha a tsebe seo le leng sona. Ke hantle.

<sup>138</sup> Ho tsamaea hohle, holima Lentsoe la Molimo, ho thoe, “Khele, ke mokutla oa khale feela. U se ke ua nyolohela mono; ke lerata le le ngata le boitšoaro boo, le hona.” Huh! Ha ba tsebe letho ka Molimo sa Mokhothu ea sa tsebeng letho ka bosiu ba Egepeta. Ke hantle. Ke ’nete.

“Ba nang le seboleho sa borapeli, ba mpa ba latola Matla a jona; le ba joalo u ba furalle. Ba kena ntlu le ntlu, ba hapa basajana ba imetsoeng.”

“Oh, moratuo, uena, u tlameha ho etsa *sena*. Oh, moratuo, ke nahana hore moreri oa hao oa khale oa mokutla tlase mono, hola feela u ka... Oh, u ka tšoaneloa ke ’kini,” kapa le e bitsang. “Uena, ha u ka etsa sohle *sena, sane*, le se *seng*. Khele, sikarete se se nyenyane se ke ke sa lematsa motho. Ke setho sa kereke, ’me u a tseba mokhatlo oa rōna oa bolumeli o nkeloa holimo joaloka oa ba bang.” U se ke ua lumela leshano leo la khale le ferefiloeng. O ntse a u thetsa. Ke hantle. E, monghali.

<sup>139</sup> E itoketse ho molimo oa bona. Oh, o e hopola e khahleha, ’me ba mo ratela eona.

Khili, ba tla u ngangisa. Ba tla ema hantle ba u phehise khang ka eona. Khele, ehlide, Satane o kile a tjamelia Jesu Kreste sefahlehong, lona Lentsoe, a leka ho re, “Ho ngoliloe.”

‘Me keha e le Eo, Lentsoe la Molimo le netefalitsoeng. A re, “Tloha ho ’Na, Satane!” Le uena u tlohe ka mokhoa oo.

Joaloka mothaka ea mpoleletseng ka mohla o mong, ha thoe, “Joale, haeba u lumela kolobetso ea Moea o Halalelang e nèpahetse, ’me u kholoa u na le Oona,” ha thoe, “joale nkotle ka bofoufou.” Èèna e le moreri. Ha thoe, “Nkotle ka bofoufou!” A re, “Pauluse o ne a otle e—e monna ka bofoufou tsatsi le leng.”

<sup>140</sup> Ka re, “Mohlomphehi, nka u otla joang ka bofoufou athe u se u foufetse? Nka u bolaea joang athe u se u shoele?” Uh-huh.

A re, “’Na, mahlo a ka a nchocho mashome a mabeli holima mashome a mabeli!”

Ka re, “Karolo ea nama ea hao; empa u sa ntse u foufetse.”

“Ho ke ke ha ba joalo! Bibebe ha e toloke lintho. Re bua moo Bibebe e buang, re khutsa moo E khutsang teng.”

<sup>141</sup> Ka re, “Ho lokile, mohla Elia a theohetseng mono—mono Dothane, ua bona, eaba lekhotala lohle la Siria le nyoloha le ba likanyetsa. Eaba mosebeletsi o matha a nyoloha, ha thoe, ‘Oh, ntate oa ka!’ Ha thoe, ‘Ntate oa ka,’ ha thoe, ‘Basiria ba re likile.’”

“Elia a pikitala mahlo a hae, a phaphama a re, ‘Ba ho rōna ba feta ba ho bona ka bongata.’”

“A re, ‘Ha ke bone motho oa letho.’”

“Ha thoe, ‘Molimo, tutubolla mahlo a hae.’ Joale, o ne a fofetse. Eaba o sheba nqa moporofeta eo oa khale, ‘me holima lithaba; keha ho tletse Mangeloi, le makoloi a Mollo, le lipere tsa Mollo.”

“Eaba o tsoela kantle mono, ‘me Bibebe e itse, ‘A ba otla ka bofoufou.’ Ba foufalla eng? Eèna. A tsoa, ha thoe, ‘Na le batla Elia?’”

“E, re ntse re ‘matla.’”

“Ha thoe, ‘Tloong, ke tla le bontša moo a leng teng.’ Elia o ba isa ho Elia. Lifofu!”

Ka re, “Ua tseba ke tlil’o reng ho uena? Sona seo Morena oa ka a se boleletseng ntatao, ‘tloha ho ‘na.’” Uh-huh. Uh-huh.

<sup>142</sup> Lemohang, bana ba lumelang, le ba ho se lumele, ha ba amane ka letho. Ba ho se lumele ba rapela molimo oa bona. “Oh,” ba rialo, “re lumela Bibebe.” E, ke sefatse se tsoakaneng. Ua bona, ba tsoaka lefatše le tsebo ho Lona. Sefate sa Satane, se tsoakiloe; ua bona, o jele sefateng sa Satane, bottle le bobe. “Oh, re lumela Lentsoe.” Ehlide, empa e seng kaofela ha Lona. Eva o lumetse Lentsoe, le eèna, empa o lumeletse—lumeletse Satane ho nka sefatse sa hae ho Le khopamisa ho se hokae. Eaba ke phetho.

“Ekare ha e mong a eketsa lentsoe le le leng, kapa a tlosa Lentsoe le le leng ho Eona.” Esale Eèna maobane, kajeno, le kamehla! Lemohang. Ho lokile.

<sup>143</sup> Mongoaha o mobe ona ke oa lefifi, athe ke litho tsa kereke. Molimo oa bona, ba mo ratela hona, kamoo a ba lumellang boitšoaro ba bona. Ha ba ahloloe ke letho. Ha ba hlopchoe ke letho ha feela e le litho tsa kereke.

Baalame o rutile kereke hona hoo. “Ha re teaneng; bohle rea tšoana.” E ne e le leqheka la ho qetela. Molimo ha o a ka oa ba tšoarela ho lumela leshano le kang leo.

<sup>144</sup> Hopolang, e ne e le sebe se sa tšoareloeng, makhetlo a mararo kahara Bibebe, ho batho bafe ba eketsang lentsoe le le leng la botoloki ba bona Lentsoeng la Molimo ka mora hoba Le nepahatsoe e le ’Nete.

Kahara tšimo ea Edene, hantle, kahara tšimo ea Edene, lefu le bakiloe ke ho eketsa lentsoe le le leng.

Mohla Baalame a ne a eketsa lentsoe, ho thoe, “Bohle rea tšoana,” bao, Molimo ha o a ka oa tšoarela Iseraele hona. Mang le mang oa bona o timetse lefeelleng, ntle le ba bararo bao Molimo a ba ntšitseng.

Jesu o itse, “Bao, e mong le e mong, ba shoele,” ke karohanø ea Bosafeleng eo. Ho felile ka bona; ha ba ka ba tšoareloa. Ke sebe se sa tšoareloeng; ha ba ka ba se tšoareloa. Oh, khili!

Se baleheleng, lona bana ba Maseli a mantsiboea!

<sup>145</sup> Na le bona moetapele oa sejoale sena, ea topetsoeng borapeli, oa mongoaha o mobe? Ke liabolosi, eèna ea nkang sefate sa botle le bobe, a se hloma kantle mane, lemohang, o isa monyaluoa oa hae oa kereke e ntle lenyalong la lekhotla la likereke. Eo e mathemaloli bo. Kereke ea hae e ntle ea mahlale a saense, e tletse e—e—e ligarata tse ka khonoang; tsona li-Ph.D tse tsoang kerekeng ea Kreste, tsona li-Ph.D tse tsoang Baptise, Presbeteriene, Mapentekosta, le tsohle. O li hlahaha tsohle, ka mekhabiso ea tsona e khabileng le ka likereke tsa litonana, tsohle li isoa lekhotleng la likereke, “Bohle re bang.” Ba ke ke ba se tsoareloa. Mokhatlo oa bolumeli, ho khoesa tlapiso ea mokhatlo oa bolumeli, ke letšoao la sebata. Re se re fetile ho eona mona; ho etsa hoo. Le baleheleng, lona bana, le baleheleng! Ua bona? Kereke e khôlô e ntle, ho ea likapesong tsa bolumeli, ho khoesa letšoao la hae!

Lishotso, ehlile, moaparo oa lefatše, o leotsang nama, ferefef, ehlile ke barutua ba khabane ba liabolosi, ho qhautsa bara ba Molimo; ho nyalisa tjaka ea moshanyana oa mali a lesika sebolu sa khale se kang seo. Ke hantle. Ha se le...

<sup>146</sup> U itse, “Ho kuta moriri, hoo ho amana kae le eona?”

Moena, e re ke khefutse motsotsotso feela mona. Ke a utloa motho o hlabehisoa ke taba eo. E ka ba kantle koana mehaleng nqa e 'ngoe.

Mamelang. Moriri oa mosali ke kano ea Monasare. Moriri oa Samsone e ne e le kano ea Monasare. 'Me ha mosali a kuta moriri oa hae, o—o hlile o hana kano ea Monasare ba hae e 'mitsang Monyaluoa oa Kreste. Hobane, mono, ntho e le 'ngoe eo, o senya Setšoantšo sohle. Ka nèpo! Eèna *Monasare* ke “ea khethetsoeng morero.” Na ho joalo? Samsone o ne a khethetsoe mongoaha le ka morero, moriri oa hae o le molelele ke hona. Mosali eo e leng ngoana oa Molimo, o holisa moriri oa hae, ho ipontša a inehetse Lentsoe le leng le le leng la Molimo.

<sup>147</sup> Haeba a o kuta, ha ke tsotelle o tantša hakae, ho bina, o sehlopheng sa 'mino, o bua ka lipuo, o mathela holimo-le-tlase, kapa a thusa ka lisosaiti tsa mefuta eohle, o shoele. Hoo ke HÔ RIALO MORENA, Lentsoe la Molimo. Bakorinthe ba Pele 14. Ee. O latotse kano ea hae ea Monasare 'me o ithekisitse ho molimo oa mongoaha ona oa sejoale. O etsa hoo. Joale, lihlong, uena mofumahali, kapa mosali!

<sup>148</sup> Batšoasi ba sebele ba bara ba Molimo, joaloka mohlang oo. Kamoo Jesu a boletseng, “Joaloka matsatsing a Nooe, basali ba boleea, eaba bara ba Molimo ba qala ba nyala hara bona, ho tla ba joalo mohla Mora motho a khutlang.” 'Me molimo oa bona o e hopola e le khôlô, e le ntle, e le ea mahlale a saense, tsebo; feshene ea Hollywood, e sehiloeng ka levenkeleng la hae, ehlile, nyee ena eohle le gooey, ua tseba.

<sup>149</sup> 'Me eèna, kereke ea hae, e e rata sehlanya! Oh, khili! "Ke batla hore u utloisise, 'na ke Methodise. Ke Presbeteriene. Kelello ea moruti oa röna e batsi ho ka bua ntho e joatso." Ha a na kelello e lekaneng ho bua lintho tseo Molimo a li buang. Ua bona?

<sup>150</sup> Eona, kereke, e e rapela e tiile. E a e rata. E ne e batlile eona ntho eo! E ke ke ea ingolisa le letho, moena, kapa ea kenela letho koana le e tlamang ho itšoara e fapanie le bo-Jesebele bana ba seoale, kaha e le tlhaho e ka ho eèna.

Tlhaho ea hao e ka khona joang... "Ke mang ea ka eketsang noko bothong ba hae?" Ha u tsoaletsoe hofaföha maoto a mahlano, u ke ke uafaföha maoto a tšeletseng. Oh, ee, joaleka "mochini o sarollang" oa Booth-Clibborn.

<sup>151</sup> Mamela ke hona, uena monna, lona mphi ea bo-rickie! Ha u tsoaletsoe ho ba monna, ako itšoare sa monna. Mangetse ana a lepeletseng sefahlehong sa hao, a sothiloe eka ho phephetsoa nama, khele, lona moloko o khopameng oa mphi ea linoha! Molato keng ka lona, le hona?

Molimo oa ka o tla ahlola sechaba sena ka mollo tsatsi le leng. O tla se tebisa tlasa leoatle. Hora ea kahlolo ea Hae e atametse. Lefatše lohle le tla nyamela.

<sup>152</sup> Khopamiso ea borapeli! Khopamiso ea batho; banna ha ba tsebe bong ba bona, le basali joalo. Ho pealla ka para ea diofarolo tsa monna, kapa ka para ea lishotso tsa khale tse nyenyane, liaparo tse ka... motsamao o mong le o mong oa hae le sebopoho sa 'mele oa hae, 'me o ipitsa Mokreste. Ebile hase leleiti, ha ke sa bua ka Mokreste. Ke seotsoa sa seterata se sebelisoang ke Satane, se bululetsoeng ke Satane, ho isa bara ba Molimo liheleng, ho phethisa Lentsoe leo Jesu Kreste a le boletseng le tla hlaha. Ke ne ke sa ikemisetsa ho rialo, empa ke Eèna ea e buileng, le hona. Le bona moo moea ona oa borapeli o tsoang teng? Sefate se tsoakaneng.

<sup>153</sup> Ho thoe, "Phoso ea lileke ke efe," kapa ba e bitsang, "libemuda?" kapa e ka bang eng.

Bibele e boletse, ho itsoe, "Mosali a aparang seaparo sa monna, ke manyala mahlong a Molimo." Hoo ke HO RIALO BIBELE.

'Me mosali ea kutang moriri oa hae, o tlotlolla hlooho ea hae. 'Me esita e se... Ke sebe ha mosali a rapela ka moriri o mokhutšoane, Bibele e itsalo, ea rapelang pontšeng a sa roala hloohong. 'Me eèna...

Oh, u re, "Ke roala katiba."

<sup>154</sup> Moikaketsi tooe, uena ea rutang basali linyee tse kang tseo! Athe, Bibele e itse, "O filoe moriri e le lesira," e sang katiba e itseng e entsoeng ke motho. Ke seo Bibele e se buileng. Ha kea jara boikarabelo; ke jere boikarabelo ba ho bua 'Nete. Le hloke

mano, kamoo Bibebe e boletseng, “Le se ke la tšoara Lentsoe la Molimo ka thetso,” ho—ho hlophisa kapa—kapa ho khotosafatsa tlhoko ea sehlopha sa li—ricketta.

<sup>155</sup> Mona ke ngotse lentsoe *bobe*. Ke ngotse “Elvis” sebakeng sa *bobe*. A batla a tšoana. Lentsoe *Elvis* le bolela “katse,” athe lentsoe *Ricky* le bolela “khoto.” Ha u mo rea “Ricky e monyenyan,” u re, “khoto e nyenyan.” Seo u mo reang sona, ke seo a leng sona. Ha e le lebitso la ngoana hao leo, le fetole ka potlako, molemong oa Evangel. U se ke ua rea ngoana . . .

Ha le eso utloe mabitso a joalo motšeо mehleng ea Bibebe, kapa mongoaheng ofe. Ke mongoaha, ke lebitso la mongoaha ona. Haeba ho kile ha hlaha likhoto le likatse tse khopameng, ke mono.

<sup>156</sup> Hona hohle . . .? . . . dijoki tsa didiski tsa milione oa dolara, ‘me bana bana ba tsamaea kantle mona, ha ba khone le ho ea—ea sekolong ba sa sutèla nthoana tsebeng, le radio ka pokothong ea bona, feela, “buum-de-buum.”

Oh, ba kile ba fihla lapeng ha ka mane, ‘me ra etsa . . . Mathaka a leka ho ferefna ntlu ea ka holimo mono. Ra re, “Tlosang ntho eo mona. Ha le sa khone ho sebetsa ntle le eona, le tlohele mosebetsi. E nketsetsa sethokothetsi ha ke khone ho e mamella mona. Nqalo ena re e khethetse Molimo. Ha re batle masaoana ao a boogie-woogie ea matsatsi a ho qetela tikolohong ena.” Ka re, “E koaleng kapa le tlohele mosebetsi!”

<sup>157</sup> Lemohang, ho tlala borapeli, koana, oh, ehlile, ho tsamaea kereke le ho ema mathuleng, ho mameetsoe boogie-woogie.

<sup>158</sup> Hape, lemohang, Monyaluo-Lentsoe oa Kreste le eèna o fihlile hloohong, hape. Re sa bona moo antikreste a habileng, e simolotse motšeо koana ‘me joale e finyella hlooho; lekholtla la bolumeli le tla e fihlisa hloohong ea bokereke. Le Kereke e nyenyan e tileng, hape, Monyaluo-Lentsoe oa Kreste ea theohileng le mongoaha, o atamela Hlooho, hobane O tla khutla a kopanngoe le Molekane oa Hae. Kamehla, joaloka ka kereke le joaloka ntho eohle, E tlameha ho kopana. Koro, ntho eohle, e khutlela hloohong ea eona moo e qalileng teng; joaloka Kaine le Abele. Monyaluo-Lentsoe o finyella sehlohlolo ka Botho ba Lentsoe la Molimo le bonahetseng mongoaheng o mobe ona oo re phelang ho oona. Le bona moo e finyellang sehlohlolo teng?

<sup>159</sup> ’Me kapele Satane o tla nka monyaluo oa hae ea hlalefileng ‘me o tla tlotsisa moholo enoa, e leng antikreste, bolaoli, a mo hloese terone, “eaba lefatše lohle lea mo makalla.”

’Me ke moo Kreste a tlang ho fihla. ’Me ba babeli ba ke ke ba aha ka nako e le ’ngoe. ’Me ’muso oa hae o tla tlosoa; o tla timetsoa.

'Me Kreste, Lentsoe la Molimo... Etsoe, mosali e le karolo ea 'mele oa monna. Ha ba babeli; ba bang. 'Me Monyaluoa, Kereke, Lentsoe, "batho ba bitsoang *mona* le *mane*, bakeng sa Lebitso la Hae," ba tla kopana 'Meleng oa Jesu Kreste.

'Me 'muso oa antikreste o tla tšoaroa o senngoe. 'Me Kreste o tla hloa terone, a lule teroneng ea ntate oa Hae Davida, 'me a buse lefatše lilemo tse sekete; a ntano hlahisa Kereke ho Molimo, "e se na lethaba kapa sekoli." E!

<sup>160</sup> Joale lemohang moriri oa hae o molelele, kano ea Monasare ho Lentsoe. Joale ke tlil'o taka Monyaluoa oa Kreste. Re taka antikreste, moo a leng teng, o tletse borapeli le tshole, mahlale a saense. Joale Monyaluoa e monyenyanee oa Kreste ea ithobileng o lumela Lentsoe feela, e ka bang Mang. Ke batho ka bomong. Kea kholoa 'me ke tšepa bongata bo lutseng mona, ba bangata ba mametse. 'Me le 'na kea tsepa, le mang oa lona hore bohle, le karolo ea Monyaluoa eo. Kea kholoa bongata. 'Me, ho tla ba joalo, bohle ba khethetsoeng hoo ba tla fetoha hoo, hobane ke tlhaho ea bona. Ba a bona. Lentsoe le khona ho elelloa Lentsoe feela. Ha Le khone ho elelloa mokhatlo oa bolumeli kapa khopamiso. Le tseba hantle ho feta; Ke Lentsoe. Ua bona? Ha Le elelloe letho...

Koro ha e fetoha letho ntle le koro. E qalile, e le koro; e tla qetella, e le koro. 'Me leholo e ke ke ea eba koro, athe le nosetsoa ke tlolo e tšoanang. Ua bona? Empa hase koro. Kamoo ke buileng tsatsi le leng, ka sefate se metseng makala a fapaneng.

<sup>161</sup> Moriri oa hae o molelele, kano ea Monasare, o mo supa A itlamiloe ka kano ho Molimo. Kobo ea Hae e ntle ea Lentsoe la Hae la pallo ea mongoaha oo A phelang ho ona, e Mo thathetse, e Mo netefatsa le Eèna 'moho, eona ea Baheberu 13:8, "Jesu Kreste esale eëna maobane, kajeno, le kamehla." Kaha, E le karolo ea Monyal Lentsoe, o tšepahala ho Eèna ntlheng tshole.

<sup>162</sup> Joale shebang. Mosali ea tsoang mona a nyetsoe ke monna, a tsoa a phelisana le monna e mong ka lerato a theile likamano le eëna, ebe o khutlela ho monna oa hae, o tlameha ho mo rahela kantle. Na ho joalo? O tlameha ho tšepahala ho eëna, kaha a itlamile ka kano ho eëna.

Le Monyaluoa oa Kreste o itlamile ka kano ho Kreste; 'me Eèna ke Lentsoe.

Ha a tlameha le ho kobela lehlakore lane leihlo, mosali ha a tlameha le ho kobela monna e mong leihlo. Ha a tlameha ho bontša matšoao a letho, a se supe maikutlo a letho nqa ho eëna, kaha e le monyaluoa oa monyal a le mong.

<sup>163</sup> Ha re batle lifate tsa lona tse tsoakaneng, mekhatlo ea lona ea malumeli. Le tšepahale ho Kreste, Lentsoe. O tla Le netefatsa e le 'nête. Che, monghali, ha a tlameha le ho pepesa maikutlo a letho a likamano tsa lerato ho eëna, ho tlolela

ka lesakeng la hae kapa le letho, kapa ho mo lumella ho u hamarela ka liphaka tsa hae kapa ho ipea paballong ea hae, kapa—kapa ho u menamena ka mokhoa *ona*, ka mokhoa *oane*.

U mpe u mamele Puo e le ngoe. “Linku tsa Ka li utloa Puo ea Ka. O sele ha li...” Puo ea Hae ke efe? Puo ea mang le mang ke lentsoe la hae. ’Me ena ke Eona, Bibele, ha ho lentsoe le ka eketsoang ho Eona kapa la fokotsoa ho Eona. Lula le Puo eo feelsa. “O sele li ke ke tsa mo latela,” mokhatlo oa bolumeli.

<sup>164</sup> Kaha, E le karolo ea Monyali, ea tšepehang ho Eèna ntlheng eohle, o emetse mokete oa Lenyaloo. Ho kopana, e seng lekholteng la borapeli; empa sebakeng, Selallong sa Lenyaloo. O filoe... Taba ena e lebisitsoe kerekeng ea rōna. Eona... O filoe, ’me O bile o senoletsoe, liphiri tsa Bibele tse Tiiso-Supa. Ua bona? O bona booatla ba mothetsi, bo bapile le ’Nete haholo, bo ka batla bo thetsa Mokhethoa. O a bo bona. O...

<sup>165</sup> Na le bona meeaa e ’meli e sebetsang e thulana mongoaheng o mobe ona? Lea e bona na? O mong le o mong o tletse borapeli, Kaine le Abele, meeaa e boelang e finyella sehlolahlo sa eona, e sa itšoanelaa le mohla e ne e qala. O mong, o rapela ka botle, le ka tsebo, le ka thuto, le ka mahlale a sanse, le ka meralo. Athe o Mong, ka tumelo ea tšenolo ea Lentsoe la Molimo. Bobeli e eme hantle kahara mohaho ona hoseng hona. Ke hantle.

<sup>166</sup> Tšenolo, kapa tumelo, Lentsoeng la Hae, ha li itlalehe hlalefo ea letho; Mokreste oa makhonthe, oa sebele.

Ba re, “Na u thotse—u thotse khau ea bongaka?”

Ha e itlalehe letho. “Ke—ke lumela Lentsoe la Hae.” Ua bona? Ha a lhalise littlaleho tsa letho. Ha ho littlaleho tsa thuto. Ha se setho sa mokhatlo ofe oa bolumeli, lemuloana lefe, seng sefe. Ke setho sa Kreste. Ke Mohatsa oa Hae; ha se mohatsa kereke.

Ke seotsoa. Bibele e mo bitsitse “sehlola,” le, “MMA LIOTSOA,” ’me bohole ba teana ho bopa sona sehlola seo. ’Me mosali oa mohlahloe oo ke mosali ea sa tšepahaleng ho Molekane oa hae; athe o bitsa Kreste molekane oa hae, koana e le setho sa mokhatlo oa bolumeli. Masaoana a makakang! Re setho sa Kreste.

<sup>167</sup> Empa, ka kutlo, Mosali e monyenyanee enoa oa tumelo, o phela ka tumelo, Monyalua; motho *mona*, *mane*; mona, ea tsoang nqa ese, kereke e itseng, mokhatlo o itseng oa bolumeli, e ka bang eng, kahara ho hong ho sa... O lumela Lentsoe la Molimo, ka kutlo, ho shebella ka lerato, nèpahatso ea pallo ea mongoaha. O e shebeletse. Ke karolo ea Lentsoe leo, ’me O beile bophelo ba Hae leihlo hore bo bonahatse Lentsoe leo.

Baena, ha le e bone na? Ke tšepa e sa le feta kaholimo.

’Mele o shebeletse (oona ke Lentsoe), o emetse Bophelo (bona ke Moea) ho thasisetsa kapa ho Le phelisa. Ke sona seo A se emetseng. Bophelo bo bong bo ke ke ba sebetsa ka ho

Eèna. A ke ke a phelisoa ke mokhoa ofe o sele. Koana, O e phopholetsa kantle mono, 'me O e tseba e tla etsahala; 'me ke ena e etsahala, ebe O a phaphama. Molimo o itse, "Le be teng," 'me O hlaha joalokaha oa pele a hlahile.

<sup>168</sup> "Bana ba ho se lumele" hoo ho bolela kutlo... *Ho se lumele* ho bolela "borabele." Ke ile ka le sheba bukeng ea mantsoe, ho ikholisa. Borabele, borabele khahlano le (eng?) Lentsoe la Molimo le senotsoeng. Joaloka Kaine ea senotsoeng...ea itherileng bora khahlano le tšenolo e senotsoeng ea Abele, e nèpahalitsoeng ke Molimo e lokile. Eaba Kaine o ithera bora khahlano le eona, a ba a fenetha ngoanabo.

Bafarasi, ka tsebo ea bona ea mokhatlo oa bolumeli ea seo Lentsoe la Molimo le neng le le sona, monna ea khethiloeng ea thontsoeng ka monoana, o itherile bora khahlano le Lentsoe la Molimo le netefalitsoeng le bonahalitsoeng la letsatsi leo, Jesu Kreste, 'me ba Mo bolaea. Ho joalo?

Ke sona seo "bana ba ho se lumele" ba leng sona, bohlabaphieo khahlano le Lentsoe la Molimo.

Joale na ebe le bona malulo a bona? "Oh, matsatsi a mehlolo a fetile. Jesu Kreste ha a sa tšoana le kamehla. Ha ho ntho e kang kolobetso ea Moea o Halalelang. Nyee eo eohle ke bosaoana!" Ua bona, borabele! Ha ba tlameha ho bua lintho tse peli; ba tlameha ho bua e le 'ngoe feela, ke phetho. Ke borabele boo, hantle mono. Ba ke ke ba re ha le na mahlo a mabeli, ha le na litsebe; le tlameha ho nka 'mele ohle, Lentsoe lohle. Ua bona?

Moea o Halalelang o hlaba mokhos, "Tlohang ho eèna, le se tšohe le kenèlla tšomo ea mokhatlo oa bolumeli ba hae," nakong eo a ntseng a soma a tlöka Lentsoe la Molimo la letsatsi lena.

"Hobane Molimo ha o songoe," le mpe le hopole. O tla phetetsoa. Le se tšoenyehe. O tla phetetsoa. Bibe, ho Baefese 4:30, ha le batla ho le ngola fatše, Baefese 4:30, e itse. "Molimo ha o songoe. Seo motho a se jalang, o tla se kotula." Ba ke ke ba soma ba tlöka, ba bua lintho tsena, 'me ba iphetela mohoalotso. "Joaloka bohobe holima metsi, bo tla boea."

<sup>169</sup> Ke monyaluo oa liabolosi, o itlamile ka borapeli ba hae, ba tsebo e ratang sebe ea mongoaha o mobe ona oa joale, ho le thetsa. Oh, khili! Lequloana lohle kapa mokhatlo oa bolumeli ba meea e ekang, ba rui leng tsebo ea mahlale a saense le tsoelopele ea sejoale! Ba ipolelang...

Re tlil'o koala metsotsong e 'maloa. Ke ke tla tlameha ho khaotsa, kaha nke ke ka e qeta eohle, ua bona.

O itlaleha a le hahela lefatše le leholo leo le ka phelang ho lona. O itlaleha joalo, hore, ka tsoelopele ea hae, o hahile likereke tse khabileng, likoleshe, likolo, lipetlele, lilaeborari, le ho thusa motho ka nakoana, kathoko ho Lentsoe la Molimo.

O entse hoo. O ipakile a khonne ho e finyella. 'Me batho ba hapiloe ke eona; e, monghali; likolo, mekhatlo ea malumeli, setso, batho ba apereng hantle, batho ba fepehileng ho feta.

Nka mpa ka koka moleng oa bohobe, ke mpa ke lokile nqa ho Molimo; ho e-na le ho ja khoho e halikiloeng hararo ka letsatsi, 'me ke le setho sa seotsoa se kang seo.

<sup>170</sup> Hopolang, hora ea ho fihla ha letšao e haufi. U tlil'o kena ho lona kapa u lule kantle ho lona. Le tla fihla sa lesholu la bosiu. Le tla u khaioletsa hantle kahare ka mono, 'me u se u le mono. Ha ho mokhoa oa ho phonyoha mohlang oo; u se u le amohetse. Tlohang ho eëna!

Lengeloi le tsoang Leholidong, le sefahleho se seholo se phatsimang, le ile la hlabela batho mokhosi. Le ile la reketlisa lefatše. "Tsoang Babilona, hobane o oele. Le se nke kabelo ea likotlo tsa hae, lona batho ba Ka!" Tsoang ho eëna. Tsoang! Na hase röna ba sa tsoa e bala Lentsoeng, nakoana e fetileng? Lona lengeloi ke "moromuo" ua bona, ea theohang. Lemohang Moea o Halalelang, "Tsoang ho eëna, le se nke kabelo eo."

<sup>171</sup> Joale o hahile lintho tsena tsohle. O hahile likereke tsa litonana. O hahile likoleshe, likolo, ho tsoara batho ho ba rupella kahara nyee e—e betetšana, e reiloeng, tsoelopele. 'Me ba ba rupeletse ka tsoelopele ea sejole e ba hohlomelitseng mohohlong oa lefu, ka tsebo, e hole le Molimo le Lentsoe la Oona.

Ana ha le bone leano lohle? Lea e bona na, lona kereke? [Phutheho e re, "Amen."—Mong.] Kantle moeeng, haeba le e bona kahara liphutheho tsa lona kantle mono, e reng "amen," ba bang bohole ba tla tseba moo le emeng teng. Ua bona?

O e entse. Eëna ke...Ke molimo oa lefatše lena, 'me o hahile likoleshe. O hahile liyunibesithi. O hahile lipetlele. O hahile lilaeborari. O hahile lintho tsena tsohle ho thusa motho nakoana, ho lekaneng feela ho ba thetsa, ho ba faposa Lentsoe leo. 'Me o ba isitse kae? Lefatše lohle la kereke le sohlometse lefung, hobane Molimo o itse O tla chesa seotsoa, le bana ba sona, ka mollo oa kamehla.

Tsoang ho eona, lona batho! Le se ke la khaioletsoa ka mono. Le tlohe nyeeng eo ka potlako eo le ka e khonang!

Ka tsebo ea hae ea saense, o phethile sena, joale lemohang, kantle ho Lentsoe la Molimo.

<sup>172</sup> Molimo ha o eso re khethele ho ea haha likolo. Ha A eso e etse le ka mohla. Ha A eso re laele ho haha lipetlele. Li molemo. Ha A eso re laele ho haha lilaeborari. Che, monghali. Ha A eso etse hoo.

O itse, "Le bolele Evangelii." 'Me, Evangelii, ke ho bonahatsa, ho pepesa matla a Moea o Halalelang.

Pauluse o itse, "Evangeli ha ea tla ho röna, ka polelo feela, empa e le ka ponahatso le ka pepeso ea Moea o Halalelang."

Pauluse o itse, "Ha kea tla ho lona ka mantsoe a hohomohileng a bohlale ba ngaka ea hore ho itseng, ke mpa ke tlie ho lona ka matla le ka ponahatso ea Moea o Halalelang; tumelo ea lona e tle e se theoe bohlaleng bo itseng kapa holima tsebo ea banna ba lefatše lena, e mpe e theoe matleng a tsoho ea Jesu Kreste; hobane O a phela, eèna maobane, kajeno, le kamehla." Molimo o re thuse ho lumela hona hoo, 'me Molimo o ke o netefatse hona hoo kamoo A 'nileng a etsa.

<sup>173</sup> O u thibela ho bona tšenolo ea 'nete le tumelo ea Lentsoe la Molimo le senoloang 'me le netefatsoa kajeno, ka likolo tsa hae, lilaeborari, lingoloa, lipetlele, le linyee tseo. Ua bona? O le thibela eona. Hona joale o ntse a toloka, kamoo a etselitseng Faro, e le ho leka ho le thibela ho bona moelelo oa Lentsoe le netefalitsoeng la mongoaha oa Hae oa pallo nakong ea Leseli la mantsiboea, le netefalitsoeng le pakiloeng. Esale a leka, ka tsebo ea hae, le ka likolo, le ka batho ba rupeletsoeng hamonatjana, le ka meralo, le tse lilo tse joalo, ho le thibela ho bona taba Eo.

Ntho efe feela, le tle le se talime Hoo 'me la bona Jesu Kreste! Le tseba ka'ng hoba ke Jesu Kreste? Ke Lentsoe, 'me Ke Lentsoe la mongoaha ona. 'Me mongoaha ona, ho itsoe sena se tla hlaha mongoaheng ona, 'me ke sena se a hlaha. Ua bona? Ua bona? O ntse a leka ka matla a bokhoni ba hae ho le thibela ho bona Hoo.

O tla E qhoaela lebitso lefe le litšila leo a ka le khonang. Ua bona? O E bitsolla "bathethehi-bahalaleli" le nyee eohle esele. O bitsitse Jesu "Belsebule." "Ekare ba bitsa Monga ntlu Belsebule, ke hakakang ba tlang ho bitsolla barutua?" Ua bona?

<sup>174</sup> Ua bona, ho leka ho le thibela ho bona moelelo oa 'nete oa Lentsoe. E seng seo... Ua bona, o ntse a leka ho Le toloka, a re Le bolela sena.

Molimo o itse, "Ke tšepisitse Ke ea le romela Malakia 4 matsatsing a bofelo." Ha e hloke ho tolokoa; O e entse. O itse, "'Me joaloka matsatsing a Lota, lefatše le tla kena maemong a Sodoma; 'me mohlang oo, Ke tla senola Mora motho ka eona, hantle haholo." Re thola bolekisi ba mehlahloe eohle le nyee eohle esele, ea eona, empa re na le Ea makhonthe, hape. Ua bona? O itse O tla e etsa.

O itse antikreste o tla tsaha a thetse Mokhethoa hola e le ntho e ka etsoang. Empa ha thoe, "Ba tloheleng. Ba tloheleng ba tsoelepele. Boootla ba bona bo tla hlhatsoa." Hobaneng? Lentsoe ke lona le e lekang. Ua bona?

Ha e fihla Lentsoeng leo, "Hoo ho hlahile morao ka mokhoa ona, oane? Oh, ha ke lumele peō ea noha. Ha ke lumele sena, sane le se seng." Ha eso senoloe le ka mohla, ua bona, che, lekhale. Oh, moena, sheba feela moo... .

Re tla tlameha ho koala, kaha e le hora ea leshome le metso e 'meli.

<sup>175</sup> Lemohang, ho leka ho le thibela ho bona moelelo oa Lentsoe la mongoaha ona, mohla Leseli la mantsiboea le tolokoang. Ke eona... Ebe e bolela'ng? Nako ea exoda e haufi, Molimo o tlela Eèna, ruri ke taba e tiileng. Ua bona?

<sup>176</sup> Joale ke batla ho le botsa potso. Etsoe, joale ke hora ea leshome le metso e 'meli, e tlotse ka metsotso e mehlano; 'me re tla khatha tema, bosiung bona. Na le bona molimo oa mongoaha ona? [Phutheho e re, "Amen."—Mong.] Lea e lumela na? ["Amen."] Lea e bona, kereke, e hlalefileng, ea mahlale a saense?

Lefatše lohle ke la eona, ua bona, mekhatlo ea malumeli. 'Me, u re, "Na ke Mokreste." "O setho sa mokhatlo ofe oa bolumeli?" Be, holane ke le setho sa mokhatlo oa bolumeli, ha ke kholoe ekabe'ba ke Mokreste. Joale, leo ke lentsoe la letonana, empa le nèpile.

Ke sa tsoa re tsebo le mahlale a saense, le Bokreste, ha lia tlollana mafura. E 'ngoe ke ea liabolosi, 'me e 'ngoe ke ea Molimo. Ntho efe e hanelang Lentsoe la Molimo, suthela thoko le eona. Ua bona? Che, monghali. Bibele e hlaba mokhosi, matsatsing ana a qetelo, ho thoe Bakreste ba tsoe ho seotsoa seo, sefate seo sa botle le bobe.

<sup>177</sup> Ehlide, molemo o teng ho eena. Na motho a ka bua hampe ka sepettele? Che, monghali. Laeborari? Che, monghali. Thuto? Che, monghali. Empa, ua bona, ba ba nea eona kathoko ho Lentsoe. Na le bona thetso ea eona? Ho ba nea kereke eo ba e tsamaeang, borapeli ho rapela, "molimo o lutseng teroneng." Bibele e e boletse esale pele.

<sup>178</sup> Joale u setho sa o mong mebeleng eo. E mebeli feela lefatšeng hona joale, esale ho le joalo, 'me ho tla lula joalo hofihlela Jesu a fihla, 'me o mong o tla timetsoa. Joale u setho sa o mong oa mebele eo. O mong, u ingolisitse ho oona; o mong, u tsoaletsoe ho Oona. Ua bona?

O mong, u karolo kaha u tsoaletsoe ho Oona. U tlameha ho ba karolo ea Oona. Na nka hana sephaka sa ka? Le joalo nke ke ka hana Lentsoe la Molimo, haeba ke le karolo ea Molimo. Ha ke le karolo ea William Branham; ke bopiloe ka likarolo, 'me karolo ka 'ngoe ke karolo ea ka. 'Me Lentsoe le leng le le leng la Molimo le tlameha ho nyallana le moea oa ka, le tlameha ho nyallana le soule ea ka, le tlameha ho nyallana le bophelo ba ka, Le tlameha ho nyallana le mehopolo ea ka. Efèla ha mehopolo ea ka e thulana le Hoo, Moea oa Molimo ha o aha ka ho 'na. Ke hantle. Nke ke ka latola Lentsoe le le leng la Lona.

<sup>179</sup> U setho sa o mong oa mebele eo. Ke tlameho, ke tlameho feela bo. Ke 'Mele oa Molimo, e leng Lentsoe; kapa 'mele oa

Satane, ka kereke. 'Me lefatše lohle le tla tlameha ho beoa tlasa kereke e itseng; le rapela molimo o itseng. U tlameha ho rapela molimo oa tsebo, u tsepela seo u se utloang ka hlalefo, u tsepela *sena*, kapa *sane*, kapa se *seng*; kapa u itsepela Lentsoe la Molimo, ka tumelo, o Mo shebella a Le netefatsa a Le nèpahatsa.

Kereke sebele ea Molimo e batla Mileniamo  
tsatsi la thabo,  
Morena rōna o tla nka Monyaluoa oa Hae ea  
letileng;  
Oh, pelō ea me e tletse hloibilo, ke letile kea  
rapela,  
Hoba Morena o tla khutlela lefatšeng hape.  
Oh, Morena o tla khutlela lefatšeng hape,  
Satane a tlangoe sekete sa limemo, moleki a  
be sieo,  
Hoba Jesu a khutlela lefatšeng hape.

<sup>180</sup> Oh, lona batho ba Linaha tse Kopaneng, moo Molaetsa ona o finyellang joale, le balehele hole le tsebo ena ka matla a bokhoni ba lona, mongoaha oa saense oo re phelang ho oona. Le balehele Lentsoeng la Molimo!

Lona, 'na, ha ho ea ka khonang—khonang, ea E tsebang. Ha ho ea ka Le pakang. Ke Molimo o Ipakang e le Oona. Ha ho ea nang le tokelo ho Le toloka; 'na, ha ho motho ea nang le tokelo. Molimo o Itolokela ka Boona. O entse tsepiso. O itse O tla etsa sena matsatsing a qetelo.

'Me matsatsing a qetelo molimo oa mongoaha o mobe ona o tla foufatsa mahlo a batho, ka tsebo ea hae ea hlalefo, holima sefate se tsoakaneng sa bottle le bobe, o sa ntse a se jesa batho. 'Me ke enoa a fihla, ntho eo e fihlela hloooho, mokhatlo oo oa bolumeli o tsoang koana Mengoaheng e Lefifi, le pele ho Mengoaha e Lefifi, ntho eohle e fihlela seholoholo kahara monna oa senatla, Satane, ea itseng, "Ke tla iphamisa kaholima bara ba Molimo, 'me ba tla 'mamela.'" "'Me o tla lula tempeleng ea Molimo joaleka Molimo, 'me bara ba Molimo ba tla e oela seholoho."

<sup>181</sup> Khele, mora oa Molimo, ho thoe, "Be, mohatsa ka, ha a joalo; o lokile . . ." Ako tsoelle, tsoelapele feela. Ua bona?

U re, "Be, O itse 'bara ba Molimo.'" E, monghali.

Monna, e bang e le mang, o entsoe ka setšoantšo sa Molimo, tlotsisong ea Molimo. 'Me mosali ke lehopo la monna, ha se la Molimo. Hantle. "Eitseha bara ba Molimo ba bona barali ba batho hobane ba batle, ba inkela basali."

"'Me joaloka matsatsing a Nooe, ho tla ba joalo ho tleng ha Mora motho."

Joale shebang, ha u batla ho bona lekhathe la kereke, bea lekhathe la basali leihlo, ua bona, hoba e le kereke. Sheba seo a se setsang, ua bona, mongoaheng o mobe ona oa bootsoa.

<sup>182</sup> Talima, ho ne ho se motse o khopo, o litšila, o tlase, o tletseng bootsoa lefatšeng, ho feta Nazaretha, 'me teng Molimo oa khetha moroetsana. "Na ntho e molemo e ka tsoa Nazaretha?"

'Me mongoaheng o mobe ona, moo molimo oa mongoaha ona a foufalitseng mahlo a batho, ka litumeloana tsa bona le ka mekhatlo ea malumeli; mongoaheng ona oo, Molimo o khetha batho bakeng sa Lebitso la Oona.

Mona ba nyatsuo ba khesoa, Morena o tla  
kenya tsatsi le leng  
Bakhethoa ba Hae khorong, oo ke molemo.  
Re tla bina re hooe, 'me re hobele,  
Konyana e tla re tlosa likeleli;  
Re tla thabela veke ea ho fihla hae,  
Lemong tsa pele tsa likete-leshome. (Ke  
hantle.)

Batho ba bokoang ba Lebitso la Hae ba  
bitsoa Monyaluo oa Hae. (Ho joalo na?)  
Ba nyatsuo ba khesoa, Morena o tla kenya  
tsatsi le leng  
Bakhethoa khorong, (ka exoda) ho 'na ke  
ntho tsohle.

<sup>183</sup> Ke monna ea tsofalang. 'Me matsatsi a ka a qala a pona; le pono ea ka e qala e rothofala; le lelakabe la bophelo ba ka le qala le tukela fatše. Ha ke tšohe lefifi. Hoba ke batla ho bua sena, le Pauluse 'moho, "Ke Mo tseba ka matla a tsoho ea Hae." Ho sa natse moo ba mpatang, leha nka noela leoatleng, kapa ka chesoaa seboping, kapa ka jeoa ke tau, O tla bitsa lebitso la ka, 'me ke tla bua. Amen!

A re rapeleng.

<sup>184</sup> E mong ha a le teng ka mona, kapa kantle mehaleng ea Molaetsa ona sechaba ka bophara, kahara likerekana tsa lona le lihlopha le liholo, le hohle moo le lutseng teng, e mong ha a le teng, oh, e re ke u susumetse; ke u phehelle, joaloka 'moleli oa Evangel; e re ke u phehelle, ka Lebitso la Jesu Kreste; baleha khalefo ea mongoaha o khopo ona! Se sebeletse molimo oa mongoaha o mobe ona.

Oh, kea tseba u re, "Ho molemo. Bao ba lokile." Ehlide bo, ke sefatse se tsoakaneng. U ke ke ua tsoaka tsebo le Lentsoe la Molimo.

Ke Lentsoe le tlamehang ho lumeloa ka tumelo, e seng tsebo. Ha u Le utloisise; u a Le amohela. U re Le lokile, u ntano phela ka Lona. Ke phetho seo A u kopang ho se etsa.

E mong ha le teng seholpheng sena sa rōna mona, ha re khone ho memela aletare ho le nyollela mona, sebaka ha se eo; kapa kantle moeeng, lithapong tsa mohala, e mong ea sa Mo tsebeng ha a le teng. U se leke... .

<sup>185</sup> Oh, lona basali, ke le omantse hoseng hona, e seng 'na, ke mpile ka qotsa Lentsoe. Moriri o mokhutšoane, ho apara liaparonyanaa tseo tsa khale, ho ikapesa ka mokhoa o chachehisang nama, ha u lemohe hore moea oo... E ka ba o hloekile, khaitseli, moratuoa, 'meleng oa hao, empa na ha u bone se tšoasitseng moeeng oa hao?

Na ebe Molimo o ka hlophisa morali oa Oona ho chachehisa nama ho thetsa mora oa Oona ka sebele, ho mo lakatsa, le ho arabella bofebe bobeli ba bona? Na A ka etsa hoo, khaitseli? Ipotse potso eo. Che, e hole le eona ka limilione tse leshome tsa limaele. Se phareng Molimo ka molato oo.

<sup>186</sup> Moena, na molimo u o neile moea oa lefatše ebile ha u sa bona phoso eo? Na o foufalitse mahlo a hao, ho tiisetra meralo ea kereke, mokhatlo oa bolumeli, tšomo, le tse joalo, hoo u sa boneng Molimo o netefatsang Lentsoe la Oona le ho Le etsahatsa joalo? Na ebe mosebetsi oa hao, na ebe mong'a hao, na mohatsa'o, na bana ba hao, na kereke ea hao, kapa ntho efe, e u arohantse le Lentsoe la Molimo, e leng oona feela mohloli oa Bophelo? E balehele, moena oa ka! Ke u rata, ka lerato la bomolimo. Ha ke hlomphe baena bafe ba heso ho feta lona, lekhale. Holane ke etsa joalo, ekabe'ba ke ea ka tšobotsi. Ha ke bue lintho tsena ho u halefisa. Kea bontša, lintho tsena ke li bua hoba li le kahara Lentsoe la Molimo. 'Me joaleka mohlanka oa Molimo, le ka lerato la Molimo ka pelōng ea ka, ke le bolella lintho tseo le tle le bone 'me le utloisise. Le ne le sa tl'o tseba mohlomong hola ke sa ka ka le bolella. Na le tla e baleha kajeno?

Joale, hohle naha ka bophara, ha re inamiseng lihlooho tsa rōna.

<sup>187</sup> Molimo o ratehang, lisakatuku li robetse pel'a ka. Batho ba kula; ke li Bea matsoho a ka, hore U tle u ba folise.

<sup>188</sup> 'Me kea tšepa, Morena, bosius bona, tšebeletso e tla ba khōlō, Matla a Molimo a tla fihla mona, lipontšo tse khōlō le meeka. Kamoo re utloileng lithoana tsa likopano tse 'maloa tsena tsa ho qetela, ho a makatsa, ho bona se hlahleng! Kea rapela, Molimo o ratehang, U re fe likarolo tse peli bosius bona. Ke rapela ka pelō e tšepehang, Morena, hoba e tsoa leratong la ka ho Uena le Lentsoe la Hao, le molemong oa batho bana. Aba sena, Molimo o ratehang.

<sup>189</sup> 'Me haeba kantle naha bophara, kapa esita le kahare ka mona joale, ba kulang le ba hlomohileng ba le teng, 'me ba tla be ba tsamaile bosius bona, ba sa tl'o fihla mona, kapa ba le kantle mono kahara likereke kapa libakeng tseo ba phuthehang ho tsona; ke U rapela ho ba folisa. Joale, Morena, bakeng sa pholiso e khōlōhali hara tsohle! Ha U ka folisa kankere mebeleng ea nama ea bona, TB, pneumonia, ntho e itseng, ba tla boela ba kula, ntle le pelaelo, ha ba ka phela halelele, hobane 'mele oa bona o sa le tlasa sebe, thohako. Empa ba ke ba fumane

e—e pholiso ea makhonthe ea Khalalelo, pholiso ea moea, e hlahisang 'mopuoa e mocha, ho tloha lefung ho kena Bophelong, le ho emela topollo ea 'mele kahara tabernakele ena ea khale hoba moea o lopolloe. Aba sena, Morena.

<sup>190</sup> Ba ke ba balehe mekhatlo eo ea bolumeli le litšomo. Molimo, kantle koana hara litšomo tseo le mekhatlo ea bolumeli ke kopane le baena ba khabane ka ho fetisisa. 'Me, Molimo, nka e bua joang hore ba bone, le ho ba lumella ho bona Lentsoe? E a ntšoenya. Empa kea tseba, hape, hore U boletse, "Ha ho motho ea ka tlang," leha a lokile hakae, a ikokobelitse hakae, a le mosa hakae, "haese ha Ntate oa Ka a mo bitsitse. 'Me bohle bao Ntate oa Ka a 'Neileng bona, ba tla tla." 'Me, Morena, ke utloa boikarabelo ba ka bo mahlonoko e le ho bolela 'Nete.

E seng kamoo Pauluse a buileng, "Ho tšoara Lentsoe la Molimo ka mano," ka ho Le tsoaka le tumeloana ea mokhatlo oa bolumeli, e le sefate sa motooakoa bottle le tsebo, bottle le bobe; empa ka pelō e butsoeng le ka Moea o Halalelang. Aba sena, Molimo. Pholosa e mong le e mong.

<sup>191</sup> Joale ka lihlooho tsa rōna tse inamisitsoeng le ka mahlo a rōna a koetsoeng. 'Me ha se ho 'na... Nke ke ka e bua tjena, "Ha e etse lebaka hore le a e etsa kapa ha le e etse." Ehlike phapang e teng. Kea le rata. 'Me kea tšepa ha le nahane kahobane ke tlameha ho bua ka thata... Kamoo Pauluse a buileng, "Eka nka be ke le ho lona, ho fetola mohopolo oa ka." Hase hoba a ne a sa ba batle; o ne a ba rata. Hase... Kamoo le eèena Jesu a neng a tlamehe ho ba khalema, a ntano ba shoela. Ua bona, "Ntate, ba tšoarele; ha ba tsebe le seo ba se etsang." Ho nahana, ka motho ea batlang ho loka, 'me a leka ho loka, le ho bona liabolosi... Ke eèena eo ke emang khahlano le eèena, ea pompalitseng mahlo a batho bana.

<sup>192</sup> Sechaba sena se tlamehile se be se tukisoa ke khanya ea Molimo, ho bona se hlahileng hara sona letsatsing lena la ho qetela, lena la morao. Hobaneng litsoseletso tsena li sa ropoha linaheng tsa khale? Lena ke Lebopo la Bophirima, bophirima bo hole ka ho fetisisa. Joale lerako la sebe le thoathoarelitse tlasa lefatše, 'me se ntse se teba; libaka, 'me Los Angeles le Hollywood, li teba ka li-inchi tse itseng ka hora, ha ho mokhoa ho e thibela. Ee, re fihlile. Re ka utloa mohooeletso nako efe. Ha u tseba seo...

Joale, ho se be le motho ea shebang. Empa haeba u tseba, ho tsoa pelōng ea hao... Kea u botsa. Nke ke ka tseba pelō ea hao, haese ha Molimo o ka e senola. Empa ho tsoa pelōng ea hao, ha u ipona u se moo u tlamehang teng nqa Molimo le Lentsoe la Oona, tumelong, na u ka Mo phahamisetsa letsoho la hao, ua re ho Eèena, "Morena, Uena u nthuse." Oho Molimo! Ho tsoa kerekeng ena, e hatellaneng, e hatellaneng le maboteng, kantle le kahare, bonneteng matsoho a makholo, nkare ho phahame matsoho a makholo a mabeli. Ke leboha botšepehi ba lona.

<sup>193</sup> Jesu ea ratehang, se lumelle mang oa bona ho timela. Ke le mohlanka a Hao, ea emang lipakeng tsa ba phelang le ba shoeleng, ke ba supisa, ka monoana, Lentsoeng la Molimo. Nke ke ka ba pholosa, Morena, empa ba batla ho pholosoa. 'Me, Ntate, ke buile khafetsa, ka letsatsi le chabang hoseng; me le feta bophareng ba lefatše, le ronngoe ke Molimo ho butsoisa thollo, ho hlahisetsa bophelo ba tlhaho lijo tsa tlhaho. Empa, oho Molimo, U itse, "Ba tšabang Lebitso la Hae ba tla chabeloa ke Letsatsi la ho loka le nang le pholiso mapheong a Hae." Letsatsi la ho loka, Lentsoe la Molimo, le chabele lipelō tsa batho, 'me maseli a folisang a tumelo Lentsoeng leo a phekole ho hloka kutlo hohle Lentsoeng, le ho ba fihlisa botlalong ba bara le barali ba Molimo.

Ke ba Hao, Morena. Ka Lebitso la Jesu Kreste, mona le kantle moeeng, ke hlahisa ba U phahamiseltseng matsoho a bona bakeng sa pholoho ea meeaa ea bona. Amen.

Moea oa ka o tla fumana (Kae? Aletareng ena.)

Phomolo mose . . . (ka tumelo ke sheba moo ke eeang teng)

Pel'a sefapano, (Lentsoe le fehiloe teng) . . .  
sefapano,

Ke thabe kamehla;

Moea oa ka o fumane

Phomolo mose ho noka.

Jesu, mpee . . . (Hoo, ke ho thakhisoa le Eèna,  
u sa batle lefatše la letho. "Mpoloke ke  
thakhisitsoe.")

Teng seliba sa bohlokoa,

Ke sa bohole, ho folisa bohole,

Se phalla se tsoa Kalavari.

Sefapanong, sefapanong,

Ebe thabo (ha re phahamiseng matsoho a  
rōna) ea kamehla;

Moea oa ka o fumane

Phomolo mose ho noka.

<sup>194</sup> [Moena Branham joale o bua le liletsi—Mong.] "Ke utloa 'Moloki oa me a bitsa."

Nanabela u tšoare letsoho la motho e mong, u re, "Molimo a u hlohonolofatse, Mokreste."

[Moena Branham o boela a bua le liletsi—Mong.] "Ke utloa 'Moloki oa me a bitsa."

Le utloa Boteng ba Hae? [Phutheho e re, "Amen."—Mong.]

Kantle koana holim'a maqhubu a mehala, bohole le tsukutlane ka matsoho kantle koo, le re, "Molimo a u hlohonolofatse."

<sup>195</sup> Lea tseba, letša la metsi le teng motšeо mona. O nka batho ba nkileng Lebitso la Hae. Ha u eso kolobetsoe ka Lebitso la Jesu Kreste tšoarelóng ea libe tsa hao, letša ke leo, likobo li teng, banna ba eme haufi. U amohetsoe, ha u hlile u amohela Jesu e le 'Moloki oa hao 'me u e lumela e le 'Nete.

<sup>196</sup> Hopolang, ha ho motho kahara Bibele, kapa neng-neng pele kereke ea Katolike e hlophisoa, ea kileng a kolobetsoa ka tsela esele haese ka Lebitso la Jesu Kreste. Ha ho sebaka kae Lengolong, kapa historing, moo batho ba kileng ba kolobeletsoa, kahara Kereke ea Molimo o phelang, ka lebitso la maemeli a "Ntate, Mora, Moea o Halalelang." Ke tšomo ea Katolike, 'me ha se thuto ea Bibele.

<sup>197</sup> Mohla ke ne ke botsisisoa ke moprista, ka na ka 'motsa taba eo. A re, "Ke 'nête. Empa rōna re kereke; re ka fetola seo re se batlang. Boholo bo kerekeng. Molimo o kerekeng ea Hae."

<sup>198</sup> Ka re, "Molimo o Lentsoeng la Hae. 'Me haeba kereke e..." Ka re, "Molimo ke Lentsoe. Me efèla ha kereke e hohlana le Lentsoe, ha ke lumele kereke."

Ke re lentsoe la mang le mang e be leshano, e ka ba moprista, mopapa, e ka ba eng, 'me Lentsoe la Molimo ebe 'nête.

'Me Pauluse o laelee mang le mang, le haeba a ne a kolobelitsoe joang, haeba a ne a sa kolobetsoa ka Lebitso la Jesu Kreste, ho tla boela a kolobetsoa bocha.

<sup>199</sup> 'Me hoba ba bang ba amohele Moea o Halalelang, Petrose o itse, "Na re ka hanelia metsi, haele moo bana ba se ba amohetse Moea o Halalelang," Liketso 10:49, "haele moo bana ba amohetse Moea o Halalelang joaloka rōna mono..." Eaba o a ba laela, "Pele le tloha mona, leha le se le amohetse Moea o Halalelang, tloong le kolobetsoe ka Lebitso la Jesu Kreste."

Hoba, Petrose o ne a filoe linotlolo tsa 'Muso, ka ho re, "Seo u se tlamang lefatšeng, Ke tla se tlama Leholumōng." 'Me ebe senotlolo se etsa'ng? Se notlolla ntho, sephiri.

<sup>200</sup> 'Me mohla Jesu a ne a re, "E-eang, le ba kolobetse ka Lebitso la Ntate, Mora, Moea o Halalelang," o e maneha mono ho foufatsa mosalumele.

Elang hloko! Hobane'ng Petrose a sa phethisa hoo, lentsoe ka lentsoe? O ne a tlamehile.

Motho ea kolobelitsoeng ka maemeli, "Ntate, Mora, Moea o Halalelang," ha eso kolobetsoe ho hang; ha a na Lebitso. *Ntate* ha se lebitso, *Mora* ha se lebitso, le *Moea o Halalelang* ha se lebitso. Moea o Halalelang ke seo O leng sona; joaloka, 'na ha ke le motho. Ke Moea o Halalelang.

*Ntate* ke leemeli; le 'na ke ntate. *Mora* ke leemeli; le 'na ke mora. *Motho* ke leemeli; ke seo ke leng sona. Empa lebitso la ka ke William Branham.

'Me Lebitso la Ntate, Mora, Moea o Halalelang ke Lebitso la "Jesu Kreste." Jesu o itse, "Ke tla ka Lebitso la Ntate oa Ka." Lebitso la Ntate ke mang? Mora ofe le ofe o tla ka lebitso la ntata'e. 'Me Lebitso la Ntate ke Jesu Kreste. Ua bona? Le bona seo ke se bolelang?

<sup>201</sup> Ha nka u laela ho ntlela ntho mona khaontareng, ka lebitso la majororamotse. Ba bakae ba tsebang majororamotse? Motsoalle oa ka ea lokileng, Rich Vissing. Be, u ke ke ua theohela mono ua re "ka lebitso la majororamotse." U re, "Ka Lebitso la Richard Vissing." Lona batho ba mona Jeffersonville ba mo tsebang.

'Me ke ka hona A itseng, "Ntate, Mora, le Moea o Halalelang." Bomolimo bo ahile ka ho Eèna, bottlalo ba Bomolimo ka 'mele. O itse, "Le ba kolobetse ka Lebitso la Ntate, Mora, Moea o Halalelang."

<sup>202</sup> Petrose a ema mono ka tšenolo eo A ahileng Kereke holima eona, ea hore E ne e le Mang, o itse, "Bakang, e mong le e mong oa lona, le kolobetsoe ka Lebitso la Jesu Kreste." 'Me le khale... Linotlolo li ile tsa sotheha Leholidong le holima lefatše. "Ha ho Lebitso le leng tlasa Leholidong le neiloeng batho leo le ka bolokehang ke lona."

<sup>203</sup> Hobane'ng u kolobetsa ka Lebitso la Jesu Kreste? Tšoareleng ea libe. "Bao le ba tšoareleng libe, ba li tšoaretsoe." Ua bona? Empa ha u mo hopola a se na tokelo 'me a sa lokeloe ke kolobetso, u se ke ua e etsa. Hoba, ha u e etsa, ke phetho, ua bona. Le bona seo ke se bolelang?

Ke utloa 'Mol-... (Lentsoe) a bitsa, (ho bitsa  
tlase mane lebitleng)  
Ke utloa... ("Ha u shoe le 'Na na, u tle u  
tsohe le 'Na?")... -oki a bitsa,  
Ke utloa 'Moloki a bitsa, (lefatše le tla reng?)  
"Jara sefapano, u latèle, u latèle..."

Joale, ha u eso khone le joale:

Ruri moo A (Ke Lentsoe) a mpiletsang teng  
ke... (letša ke leo)  
Ruri moo A mpiletsang teng,  
Ruri moo A mpiletsang teng,  
Ke ea le Eèna, le Eèna tsela eohle.

Ha re inamiseng hlooho ea rōna.

<sup>204</sup> Molimo o ratehang, letša le lokile. Joale bua le lipelō, Morena. Ba ke ba utloe Kreste, Lentsoe, le ba bitsa, 'me ba ee le Eèna tsela eohle.

"Ke tla ea le Eèna serapeng. Ke tla ea le Eèna letšeng. Ke tla nka Lebitso la Hae. Ke batla ho ba e mong oa batho bao A ba bilesang Lebitso la Hae. Ke tla lumela Lentsoe la Hae. Ke tla latèle. Ha ke sa tla bonya le lefatše. Ke tla ba Monyaluoa

oa makhonthe, ea lebelelitsoeng. Nke ka siea jota e le 'ngoe ea Lentsoe la Hae. Kopo efe le efe, ke tla ba Monyaluoa oa sebele, oa makhonthe. Sohle seo A nkopang ho se etsa, ke tla se etsa.

"Ha Molekane oa ka ea tlang a mpatlile ke holisa moriri oa ka, ke tla e etsa. Haeba A mpatlile ke hlakotse meikapo ona ohle, ke tla e etsa. Haeba A batla... Haeba a re ho 'na ke moea o litšila, ke ntse ke bonya le e mobe, ka liaparo tsena tse leotsang nama; ke tla e etsa, ke tla li hlobola. Ha ke tsotelle seo motho a se buang, ke tla li hlobola.

"O mpatla ke tsoile sehlopheng seo sa ka, sa bomosalumele, ke tla e etsa; leha nka kokela bohobe ba ka, leha ekaba eng. O ntšepisitse A ke ke a ntlohela leha e le ho ntahla. Ke tla—ke tla e etsa. Ke tla tsamaea le Eèna tsela eohle. A mpatlile ke kolobetsoa ka Lebitso la Hae, ke tla e etsa."

Morena, U e tšepisitse Lentsoeng la Hao mona, ke sona seo O se batlileng. Mang le mang a ke a e bone, Morena, 'me a E khumamele ka mosa, le ka boikokobetso. Ka Lebitso la Jesu kea rapela. Amen.

<sup>205</sup> U setho sa Molimo. Molimo a tšoare mantsoe a manyenyane a qalikaneng ho u netefaletsa ona, ke thapelo ea ka e tšepehang.

Letša le tla lokisoa. Mang le mang ea batlang ho tla, ba na le... Moreri o tla e tsebisa hamorao. Mang le mang ea bakileng 'me a batla ho kolobetsoa, ka ho sebelisa Lebitso la Jesu Kreste, u ka tsoelapele hantle feela. Ntho eohle e lokisitsoe. "Linthro tsohle li lokile." Sohle seo re ka se etsang ho u thusa ho phelela Molimo, re mona ho se etsa. Molimo a le hlohonolofatse.

<sup>206</sup> Joale ha re emeng. Joale thokonyana ea rōna, *Kea Mo Rata*. "Kea Mo rata hoba A nthatile pele." Ha re e bineng, mang le mang joale.

Kea Mo rata,...

Ha re phahamiseng matsoho a rōna re sa e bina.

...kea Mo rata  
Hoba A nthatile pele  
'Me O lefeletse poloko ea ka  
Fateng sa Kalvari.

Ka lihlooho tsa rōna le ka lipelō tse inamisitsoeng joale, ha re Mo bineleng eona ka marameng. [Moena Branham o qala a binela *Kea Mo Rata* ka marameng—Mong.]

Kea Mo rata.

[Moena Branham o tsoeletse ho binela *Kea Mo Rata* ka marameng—Mong.]

Oho Molimo, Ntata rōna, re hauhele rōna libopua tse soto, Morena. Re natlafaelsetse mosebetsi o tlang. Nthuse, oho

Molimo, nthuse! Ke utloa ntho e robetseng hantle kantle mona, Ntate. Nthuse, oho Molimo, ho tseba 'Nete. Hlohonolofatsa batho bana, Molimo o ratehang. Ba tataise, kea rapela, ka Lebitso la Jesu.

<sup>207</sup> Joale re sa inamisa lihlooho tsa rōna, ke tla kopa molisa mona, Moena Neville, moena oa rōna ea khabane, ho nyolohela koano mona joale ho bua seo a se batlang, mabapi le haeba... mabapi le kolobetso. Nka 'na ka e tsebisa. Kea kholoa letša le butsoe, leha ho le joalo.



***MOLIMO OA MONGOAHA O MOBE ONA*** SST65-0801M  
 (The God Of This Evil Age)

Molaetsa wona, ka Moena William Marrion Branham, o rerilwe sethatong ka Senyesemane a Sontaha hoseng, Phato 1, 1965, Tabernakeleng ya Branham e Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

**VOICE OF GOD RECORDINGS, SOUTH AFRICA OFFICE**  
**58 DISA ROAD, ADMIRAL'S PARK, GORDON'S BAY 7140 WESTERN CAPE**  
**REPUBLIC OF SOUTH AFRICA**

**VOICE OF GOD RECORDINGS**  
**P.O. Box 950, JEFFERSONVILLE, INDIANA 47131 U.S.A.**  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)